



頤芳集卷之六十一目錄

才媛詩

古歛訥菴汪啟淑選

李檀 五首

曹柔和 七首

湯素琴 一首

徐氏 一首

錢孟鈿 十三首

李冰 一首

金佩蘭 一首

宋芳斌 二首

沈氏 句

錢性聰 一首

蘇芳濟 一首

張密 一首

張安 一首

彭啟芷 二首

沈瑞貞 一首

吳墜 三首

趙飛雲 一首

金荷 六首

朱淑明 一首

余如花 二首

葉兆木 一首

張芬 五首

駱秀芝 二首

凌嫺 一首



金佩芳 二首

蘇氏集卷之六十一

摘芳集卷之六十一

古歙詔菴汪啟淑選

李植

浙江平湖縣人高觀察衡之室也著有生香樂

意齋稿

李集生香樂意齋稿跋略少宗伯高文恪公與先曾大父秋錦公交最契其後族尊叔祖稔鄉太守以長女歸文恪之孫即觀察枝山先生也太守擅詩歌著有瓦缶集行世觀察弱齡能詩既長益博覽家藏圖書尤長五言古體子固稔知之而吾祖姑之能詩則未之知也甲辰冬從叔寬夫自當湖歸攜一編示予曰此吾姑遺墨也臨歿時手是編授諸孫曰性情所寄信筆作橐汝等善藏之今將授諸梓因屬予為序予始知祖姑之能詩也古者南雅之樂始自庭闈迨

漢以後或失之纖佻祖姑之詩不事雕飾自觀
 察公以部曹起家及督儲闕中署臬事所在有
 循聲祖姑綜理內政餘事為韻語所存纔十之
 一皆至性流露不失敦厚之旨觀察以風雅世
 其家而閨中唱酬一歸醇正傳
 之奔禩足備當湖之文獻也已

遊陸氏園

掃墓回舟晚重經陸氏園
 曲藤遮小院密竹遶長垣
 花落飛紅點魚遊動碧痕
 尋幽留半刻古塔已扃門

七夕

寶鼎香飄透碧天
 嬌花佳果供嬋娟
 華筵玉液中宵飲
 綵線金針少女穿
 天上雙星經歲度
 人間塵夢幾何圓
 願祈我佛青蓮瓣
 流入銀河化渡船

雨聲

一天烟雨暗層樓
 灑向西牕點點秋
 的瀝遙聞蕉葉裡
 蕭疎猶愛竹枝頭
 錯疑珮玉風徐動
 細聽霖鈴淚欲流
 最是天涯多寂寞
 寒燈孤館使人愁

盆梅

疎花隱約色如銀
 徑尺橫斜小盃陳
 可惜栽培人不見
 枝頭依舊鬪芳春

元日陰雨

元宵陰雨怯春寒
 燈市蕭條更漏殘
 月掩重雲終有現
 人歸長夜再逢難

字苻賓江蘇上海縣人曹泰之女適同邑黃學

博文蓮著有玉映樓吟稿

劉大橋玉映樓稿序余數從吳趨友人為漫浪
之遊竊見篋笥中往往有七子詩卷為令宗伯
沈公所論次七子皆吳中名儁多顯而在位者
其一一人則上海黃子星槎也宗伯以詩名海內
其持論頗嚴而黃子特見褒評固知黃子之超
越儕流讀其詩風乎大雅之什鏗金石而燦
琳瑯心悅之而無由相見其後余為博士於黔
而黃子亦司諭在歙間以公事聚晤則締交甚
密一日飲酒既酣黃子出詩一編示余而匿其
姓名不告余讀之未竟灑然曰何其似吾星槎
也星槎曰非是人之姓名久之乃復歛歎太息曰
是人也猶不告是以姓學星槎而星槎之詩學於
此吾亡妻曹氏世為松江巨族星槎之母夫亦曹
矣蓋曹氏世為松江巨族星槎之母夫亦曹

氏也當是時星槎上事其母備極甘旨夫人上
奉其姑又能先承其志意姑婦相敬愛無已而
星槎與夫人時時作詩為歌鳴一家之豫順以
上承堂上之歡其天倫之樂固有貴遊所不及
者夫人之亡豈獨星槎之不幸抑亦夫人所共
憐惜也昔在王駿管寧願學曾子終其身而不
欲更娶其不以王駿管寧願學曾子終其身而不
離濃而不膩溫而和愷余觀夫於禮法之中而
不敢稍有放縱華靡之習雖漢之班昭蔡琰無
以過焉惜其年之不永其所存者止此而又無
得賢有力之人為之揄揚徒使其殘剩之篇
章傳誦于吾徒不遇者之口也豈不悲哉
古檀詩話紅藕花殘風信急碧梧葉落雨聲寒
曹習菴仁虎太史夫人句見宛委山房集黃芳
亭文蓮孝廉夫人工詩句云芳草綠波人別後
小樓紅雨燕來初真皆閨閣之秀按曹與黃同
王西莊鳴盛蘭泉昶錢辛楣大昕趙璞菴文哲
吳企晉泰來為吳中七子沈宮傳選刻其詩盛
行於時今皆翔步玉堂所謂
和其聲以鳴國家之盛也

芳亭黃文蓮悼亡詩結得同心十五春
 苦共前因黔婁今日貧逾甚無復牛衣對泣人
 梧葉蕭蕭玉映樓樓頭蟾月近中秋可憐簾影
 清如水雙笑何人控玉鈎秦嘉上計悵飄零小
 別生前兩度經最是一尊揮手處江南江北短
 長亭夢殘燭暗漏將除每憶彌留腹痛餘兒女
 蘆花君莫慮此身已分作鰥魚家園幾度板與
 游酒熟茶香笑語稠依舊東風萱草碧北堂那
 得更忘憂湖濂亭畔夜更遙茗椀薰爐共寂寥
 今日獨來人不見海棠花落雨蕭蕭紅閨寂寂
 畫慵開象曲闌干上碧苔腸亂紙錢飛燼處當
 時曾拂翠裙來兒女分飛重慘悽阿侯乳姐慎
 提攜知君泉路還回首夜夜魂歸翠閣西影堂
 別酒駐斜暉管奠營齋計已非後夜孤舟風更
 雪何人辛
 苦念無衣

上元夜對月聯句三十韻

首春結陰霾 芳亭
 槎柯浩呼洶連村積雪深 芳亭
 衝簷

暴雨凍蕭條越靈辰 芳亭
 孤吟鼻微擁鬱儀忽飛輪 芳亭

賓 萬里破霜霧老梅競新妝 芳亭
 好鳥發晴哢已覺寒

氣微 芳亭
 乍見春光縱須臾懸鼓沉 芳亭
 冰蟾上高棟

玉盤無纖瑕 芳亭
 銅鏡出新礪上下一碧中 芳亭
 潑眼

如流永于時夜禁馳 芳亭
 暗塵逐遊鞚星橋百丈懸 芳亭

亭 火樹千枝烘海上移六鰲 芳亭
 雲中下雙鳳廣屋角

舩喧 芳亭
 小部笙歌勸卜繭傳東家 芳亭
 鬧蛾徧西扉

我家一二樓 芳亭
 面面簾鈎控床頭發舊藏 芳亭
 春雲

欲浮甕造芋聞揀釜 芳亭
 傳柑喜盈籠吳鹽點化猪 芳亭

賓 越糟糝水鱉食單恣駢羅 芳亭
 觴政任喧闕八义詩

已成

苻賓

百罰飲須痛賞心及良辰

芳亭

故事費甄綜

昔聞劉子政

苻賓

燃藜夜吟誦又聞禰正平

芳亭

鼓作

漁陽弄偉哉狄武襄

苻賓

夜半金笳動入關奏凱歌

芳

亭

賓筵酒未中懷古情慨慷

苻賓

感時意憊控金盆漸

西傾

芳亭

仰視天宇空瓊樓縹渺間

苻賓

高處寒偏重

倚曲舞清虛

芳亭

鈞天儼如夢聯吟一笑粲

苻賓

庶續

椒花頌

芳亭

採蓮曲

橫塘露下殘暑收千枝菡萏波中浮誰家窈窕沙棠舟
朱唇皓齒兼明眸臨風舉袖揚素謳鳩鵲鷓鴣紛中流

攀條欲折更遲留瑤華寄遠嗟無由人生歡樂寧有極

紅顏勝人須自惜一夕西風墜粉稀涉江腸斷孤吟客

趙忠毅公鐵如意歌同芳亭作

我家草堂葭水灣圖書彝鼎安如山中有三尺鐵如意
照眼古色何斑斑黃白曠暝作雲氣革匱緹巾煩位置
日星河嶽儼遺銘高邑尚書有題識尚書嶽嶽垂朝紳
日鄒日顧稱三君良心剖露再上疏一時臺閣推名臣
平生苦心在察典巢耳蟲絲任成繭想像篝燈獨坐時
如意揮來奮雙腕羣狐白晝競吹唇頭白可憐戍雁門
莊浪永昌去萬里臨風一慟天爲昏吉祥之樓味蘖室

一篋殘書銷歲月，觚稜回首隔浮雲。擊節應教唾壺缺，
只今奸骨已灰消。十三陵樹總蕭條，惟公大節照青史。
蒼巖白石爭岩堯，十年漆室憂偏切。遺物摩挲重嗚咽，
永作草堂席上珍。不祥可祓同桃茆。

關山月

明月當三五，迢迢掛碧空。關山千里隔，涕淚幾人同。雲
鬢侵香霧，征衣度朔風。不堪雙照斷，緘意向飛鴻。

卽事

東風簾幙鎮低垂，小閣凝香日影遲。乍起乍眠中酒後，
不晴不雨釀花時。牕前芳草長於帶，樓上春山曲似眉。

看取宵來明月好，相攜同弄玉參差。

自君之出矣

自君之出矣，春色到空閨。思君如芳草，處處逐征蹄。

懷芳亭

江臯木落起微波，悵望瑤華奈遠何。聽遍南樓新雁過，
瀟瀟寒雨暗關河。

湯素琴

詩見谷音傳響

次韻題明妃圖

箏箏聲高怨思稠，馬蹄踏遍萬峰秋。漢宮回首停鞭望，

一片雲凝天盡頭

徐氏

名淑瑩河南洛陽縣人也

柬外

憑几脩書寄便鴻詞箋恨短意無窮離懷正值深秋月

紅葉青燈烟雨中

錢孟鈿

字冠之號浣青江蘇武進縣人錢文敏公維城

之女適辛巳進士乾州牧山西崔龍見著有浣

青詩草鳴秋合籟

管世銘浣青詩草序略余屢遊京兆嘗寄食錢尚書文敏公邸第禮遇甚深入後閣謁金夫人於戚誼為吾母外妹則猶子畜之家事曲折無不悉女弟浣青氏以孝慧稱文敏公屢見之詩文珍惜出兩公子右若恨其不為男子者已又獲交于浣青季父竹初為余道浣青能詩兼熟史事余心誌之而浣青已從其夫子漫亭崔君官秦中未嘗聞問也乙未春余計偕北行以族叔校禮闈格不與試竹初旋亦報罷將省浣青而歸時漫亭已有令子五人遺書屬延一館師竹初乃邀余往且曰崔郎賢主人兄女亦巾幗中士流也因治裝偕行既抵頻陽長日多暇竹初倡舉為詩時外弟楊子與岑及竹初兄子味菽先在益相與張之每刻燭分題浣青輒命兒子景儀錄韻以入座未畢賦而浣青詩出焉必有幽負之韻挺特之識不類尋常閨閣者之所為益信竹初前言而余十數年周旋文敏公門下猶愧知之不盡者何浣青之善自韜匿不欲以工詩著也乃從竹初乞其全稿讀之自三唐兩宋以及近代作者無不出入沾溉如吳綾越

紗蜀錦西絨各自成疋而一軌于性情之正蓋
 浣青勿為文敏公鍾愛詩法多經口授其與竹
 初齒相若時從問字漫亭以弱冠登進士覃心
 簡籍夫婦相切劘亦如賓友然浣青既擅奇慧
 而自在室以迄甥館其獲益皆不出家庭可不
 為厚幸哉又浣青金之自出廉使定濤先生之
 太夫人方淑人揚皆有詩集行世浣青之外曾
 祖母外祖母也杜詩內外名家流浣青之謂耶
 其所從
 袁枚題浣青夫人詩冊絕妙金閨咏絮才一生
 詩骨是花裁分明擁髻揮毫際別有心從天外
 來尺五真疑戴皂紗風裁不似女兒家也因乞
 得江山助簪盡秦關蜀嶺花已隨夫婿縮銀黃
 更見嬌兒步玉堂天為佳人破常例清才濃福
 兩無妨而翁南下賦歸歟適我新婚北上初水
 面匆匆通數語懷中正抱女相如重提春夢最
 消魂老去尤驚日易曛難得相思竟相見宣文
 君與武
 夷君

曹仁虎題鳴秋合籟詩綠牕清韻儷幽蘭瑄奏
 昭華屬和難掃盡粉奩脂盞習獨開風格向詞
 壇

楊庚浣青詩草題詞百草含春風幽馨自蘭茗
 鸚鵡非不語鳳鳴叶九韶由來歌泣即天籟清
 欲肆應母乃勞譬之五絃合建鼓瑟通神力絲竹
 則焦君家絕調江峯碧湘靈鼓瑟通神力絲竹
 東山接塵談我亦向充座上客當時絮咏掩繁
 花玉簫吹落江梅白偶向春池得瓣香留題不
 藉紅箋擘青禽一日忽西去十載秦關復相遇
 新詩示我半鄉愁風木餘悲更如訴人生著述
 非偶然浮榮五萬空買鞭壯夫幾許競塗澤過
 耳湖歌同寒蟬大家續史足千古錦機綾帳何
 足數好持彤管散朝
 霞天際眉連作仙侶
 錢維橋浣青詩草題詞青禽墮海上啼與凡鳥
 殊璆玉雖未雕扣之含清虛太音不在世拉雜
 多笙竽折揚歌皇華里耳何其愚腰鼓喧春雷
 鍾以二缶孤所以彭澤軫不絃返厥初吾家一

雛鳳乃是昭蕙餘時時吐幽吟俗籟悉屏除夕
露散秋篠不忍爲敷腴我如柯亭椽雖奏情鳴
鳴見此感歲光三唱爲之吁洛水有倡聲
羊何和無徒手攜九靈管與汝遊天衢

始皇塚

驪山高復高落日霾荒臺西風吹白道下見幽宮開秦
政昔亂紀刑殺如霆雷鯨吞六國盡聲色非仙才童女
不復還龍戰颺輪摧寄言鎬池君英武安在哉千人競
謳唱運石清渭隈築之崇三墳下錮泉水來黃金作天
地日月爲樽罍銀海停不流人膏燦無灰飛蠶三十箔
一一紅玫瑰知埋幾皓齒何論萬匠哀可憐閉衰草虎
視歛寸坏雖令地成市難買青陽回作使天下傾何待

長城摧楚炬與牧火雨赭無遺煨寶玉不在土死增骸
骨災徒聞古丈夫霞舉登蓬萊

古別離

嗚咽清渭濱紛披灞橋柳今古傷別離揚鞭各揮手

漢通天臺銅人歌

武皇歲起雲陽宮高臺屹與雲漢通欲求真訣鍊顏色
紫瓊之露飛濛濛青霄不下兩皇子十二仙人一夜死
文成五利不及一少翁能使香魂望如水淒淒茂陵月
玉盃埋苔碧難聞舍人壺空美方朔戟當途代漢逾百
年銅人之淚流作鉛移經灞水亦傷別迴頭立盡東關

烟君不見古今興廢皆陳跡金石有情悲過客化爲銅
駝卧荆棘

中秋待月以平分秋色一輪滿分韻得色字

重簾燭暗露華白桂樹凝寒掩瑤魄爲恐人間感別離
颼輪不轉織雲織幾家弦管盼清輝何來匹練澄空碧
影娥池冷鏡奩塵天外徒橫秋一色銀漢無聲不記年
瓊樓有夢空成夕迴頭容易參商隔今日當筵須共惜
越鳥南飛未有期秦山西去猶爲客願留光景十分滿
莫使深盃等閒擲

蠹簡

欲悟神仙理何辭筆舌殘消磨因久度辛苦在忘餐三
絕編猶在干迴誦未完便教成缺畧依舊悞儒冠

斷碑

野火焚猶在衰池見宛然數行銘瘞鶴幾葉搗輕蟬完
損神難合摩挲癖可傳較他唾沒字片紙亦前賢

憶梅和韻

淡烟漠漠護重陰思入羅浮夢已深對月應憐清夜影
懷人空寄歲寒心雲橫渭北家千里春到江南雪一林
誰向天涯問消息好從孤管寫餘音

寒山無恙隔層陰一縷相思爲爾深夢後何人同載酒

揚芳集 卷之二
花時有客獨關心飛來晴雪春留影相送前溪月在林
官閣吟成應寄興不教空谷誤登音

殘荷

一片秋心近水殊空庭爲惜雨聲枯曾含夕露衣同冷
及聽清歌夢已孤幾幹紛披隨敗籜半塘搖落並殘蒲
薰風不與留顏色翠佩江臯再見無

青門柳枝詞

渭城風物又經春嫩綠初齊客思新記向大隄和雨折
泥他青眼盼行人
花未飛綿葉剪藍風吹無力起眠三舊遊最有難忘處

一路依依近漢南

折贈誰家悵別難藏鴉時節絮初殘何當繫艇揚州郭
一種青青雨後看

花落江潭客未歸輕陰漠漠拂簾衣那堪烟雨催春去
深巷人家燕子飛

李冰

浙江富陽縣人

汪氏雙節詩

日黯珠江不復春同餐桂蓼共含辛柔甘曲慰占烏望
襁褓悲看肯構人劫盡殘碁重理局帆將到岸復分津

百年至竟生如寄枯苑雖殊譽竝新

金佩蘭

詩見谷音傳響

次韻題明妃圖

飲馬長城敵勢稠圖成恰值請和秋漢王若是真憐色
姜女從遷也並頭

宋芳斌

福建縣人湖州同知宋萬畧女鞏昌知府

林輝章室 誥封恭人

秋閨迴文

笳落暮天遠憶郎雁聲寒色野茫茫雅飛玉鏡窺新黛
鳳舞珠釵墜澹粧斜樹夜迷城月白暗沙秋入塞雲黃
花依冷草青閨靜遮帳殘燈怨夢香

對月

學練初團扇如眉亦照人長干兒女夜祇有月相親

沈氏

浙江歸安縣人適生員錢嘉徵

句

一朝脫却塵緣去直駕祥雲到帝前

歸安縣志 國朝沈氏適生員錢嘉徵兩姓皆望
族性純孝依母同居飲食寒暑曲體親心長齋奉

道祈求母壽後母亡庶弟少喪祭俱身任之事舅
姑尤極孝養居喪盡禮壽至五十二死之前夢仙
真言汝篤孝已證仙品臨終作
詩誌之以待彤管之採擇云

錢性聰

詩見谷音傳響

次韻題明妃圖

夢裏君王寵愛稠誰知被遣玉關秋畫工舞弊由延壽
出塞分明怨有頭

蘇芳濟

福建縣人康熙中布衣俞孫侃室也

長春花

春風融和日影斜巡簷小立惜芳華長春初點臙脂色
開向東風奪晚霞

張密

浙江烏程縣人太史張映斗之女適總憲金檜
門之子忠澤

題汪連珠閨秀墨蘭

妙絕生花筆前生字若蘭自來幽意愜不道素心寒虛
室清芬在高情幻影看春風思晚畝宿草已成團

張安

密之胞妹適秀水中書汪鶴桴之孫運司經歷

汪璉

題汪連珠墨蘭

玉砂文益護天真小筆通靈迹未陳省識儻然林下意
多生卽是此花身

彭啟芷

字浣暎湖南攸縣人詩人彭廷梅之長女也

月夜

玉魄娟娟照碧軒憑闌吟對爽心魂漏殘移影鬢催寢
猶把金釵劃記痕

徐淑則年祖母示題大癡山水圖卽席奉和元韻

子久畫水兼畫山五日十日見筆端用意直從畫之先
似乎下筆了無關山能欹崎水能灣一堆亂石一層灘
灘邊森森數竿竹流水小橋隔茅屋長年太古風氣淳
此中居人尚樾樸有時策杖通來往不言耕鑿不言祿
展圖披讀忘昕夕秋燈掩映雙瞳綠詩耶畫耶清如菊
空香採之費摩挲吟詩記取御河曲
時余省家大人於
泊署間年祖母自
都買棹南還相
晤舟次故及

沈瑞貞

浙江海鹽縣人也

夏柳次韻

千條弱柳挂晴絲回首春歸動遠思雲暗綠陰烟霧歷
月澄碧浪影奔馳依依蘸水迎涼候裊裊垂隄借蔭時
此際賞心殊不淺願攜尊酒濯丰姿

吳墜

字粉蓮安徽歙縣人適蘆溪汪亦卿

理粧紅葉忽飛入簾偶成

粧成獨倚欄風葉入涼幕慵多未題詩枉向深閨落

題聽竹軒

竹響搖虛籟茅齋結構幽雨來聞曼玉風動夜鳴秋翠
色侵書幌清音繞畫樓此君真不俗瀟灑綠雲稠

秋閨 迴文

輕花落盡酒瓶空燕燕歸時幾樹紅明月霜堦桐弄影
晚蟲鳴破夢忽忽

趙飛雲

江蘇婁縣人

錢學綸趙飛雲傳趙飛雲者婁村小家女也年
十四眉目姣好如畫性喜淡漠從隣塾讀書能
詩不欲以村女自居也同里諸生康麟見而悅
之欲通殷勤女怒不允因厚賂其母百計挽飛
雲飛雲感其情始從母命許他日備位作小星
而飛雲父以獨女故拒之適生往吳門女父竟
別許陳留氏女欲從母命不得忿而不食者兩
日以未見生故強延之未幾生歸聞前事甚悵
惋以非飛雲意驟往見之則四目相視嗚咽不
能成語已乃作待月詞以訂生詞云姮娥有約

漫徘徊幾度埋光不肯開一自暮雲俱散去好
依花影上窗來是夕生往牽袂而泣謂生曰妾
非自賤反以七字邀君因念向日之不遂君意
者欲留此完身以爲他日洞房證驗耳今不能
矣身先許君即君身矣豈敢自銜以拂君之情
乎用是相邀也言已聲嗚嗚甚悲其母亦哭生
揮淚曰卿勿言我固知卿與卿母之心也卑人
焉有福屈卿作小星倘天假之便得常往來即
謂永傍香肌可耳又誰尤乎自是厭露之行春
秋兩易後爲父所覺即賦于歸飛雲號眺不欲
生截髮自誓繫之以詞生得之痛甚刺血作書
曉以父命勿徒作苦傷卑人心也飛雲自歸夫
家防閑既密會晤愈難間隔
多端惟有晨昏灑喟而已

截髮寄康生

一朝截髮爲君贈誰曉粧臺寄意深從此願君嘗看取
須教妾罷白頭吟

金荷

字品蓮號小紅浙江嘉興縣人金永成次女也
未字天卒著有吟香閣遺稿

春晴

雨霽開春景風和日正遲持盃花勸酒把管鳥催詩社
下燒錢候麗家上塚時兒童爭折柳遍插一枝枝

晚步池上

風來疎雨過晚步立池旁柳色凝烟暗荷衣拂水涼綠
莎延古井飢鳥下空廊遙望林梢月娟娟欲露光

咏青菓

海國來嘉果堆盤碧色添三秋凝翠露一夜落紅鹽破
肉微嫌澁烹茶不貴尖一枚聊止渴回味憶香甜

咏燕

不借深林枝上棲差池慣逐畫樓西風來小院簾初捲
花掩重門夢欲迷柳外斜飛輕剪雨梁間絮語補巢泥
停看哺乳匆匆處草滿平蕪烟滿溪

對月

獨攬清輝好團樂有幾何晚妝留作鏡不用倩人磨

題畫

疊嶂高飛瀑布流泉響合松濤領得此中幽趣定然滌

盡塵囂

朱淑明

字淡吟江蘇元和縣人也

詠綠萼梅

爲愛南牕第一枝寫將冰玉入新詩移來禪窟塵都淨
開向書巢春較遲上掌明珠和月暈迴身翠帶任風吹
珊珊並受東皇寵淡粉輕脂莫漫施

余如花

江蘇松江人余守一之女也

錢學綸余如花傳彭生者名成世爲東里人年
弱冠棄儒爲商能詩詞善應對性雅貌美無市

俗態故文士樂與之交時貿易嘉湖還寓同里
余守一家待售余本富族房屋深廣生居之恬
如也余有女曰如花嬌好柔順殆稱其名居恒
喜靜惟日坐一閣治女紅足跡罕至堂屋如花
父早亡惟母女與婢春嬌相處有兄各母出也
多外視之會生臥室與女止隔一垣中夜人靜
恒聞私語歡笑聲心漸動時因月夜啟窗微吟
日不舉簾額通聲福可隔牆頭和句詩蓋前人
所作欲使之聞之云如花聽之果私語嬌曰誰
家子閒咏遂達內閣也嬌以生對女嘿然一晚
又當月下獨步庭外仰見閣中火光微射遂吟
舊句曰隔牆花弄影疑是玉人來女聞連喚春
嬌不應遂啟牕遙語曰夜闌人靜獨不覺春寒
躡垣直上女驚急起掩牕而生已入室矣女羞
澀不能發一語良久始日向以君知書偶通片
語據作市僧態耶令人心悸生曰某勿承庭訓
素惡非為以一念情深遂爾唐突將欲高追簫
史安敢自比市僧哉竊謂綠綺紅綃閨中當有
其人耳於是宛轉之間遂諧衾枕比曉言別如

花含淚謂生曰妾雖愚弱豈昧聲名為悞情癡
致蹈非禮郎惟始終勿負承托終身生唯唯既
而獨坐幽齋恍忽疑夢乃作一絕云兩情相合
意相諧肯把良宵孟浪挨會記落紅春去後幾
回笑覓鳳頭鞋至晚復申前約再訂姻盟生曰
卿意良厚第恐不才難預東床之選是以未敢
遽允女怒曰若然君果何心哉必相負有死而
已言訖大慟生亦慟曰奈何生推何女曰妾有阿
母主兄何為耶因告以年庚使生推算由是恩
倍於前余氏上下頗聞之不即發言亦不自安急
幾家人漏言兄甚甚隱而慟如花囑以急倩蹇
謀旋里將別之夕相對而慟如花囑以急倩蹇
脩母使妾有白頭之嘆脫有言當遣李姬報郎
李姬者女之乳媪也其事頗知之後半載余母病
辭兄抵家議婚之舉卒難出口彭郎薄倖不
疾亟執女手而言曰兒事吾知之後彭郎薄倖不
及吾在而成之吾死事不諧矣如之何痛極惟
哭母執女手而亡生聞驚仆者再及歛僅柩前
一拜不能交片言喪畢即挽所親求女庚兄辭
之既而余氏之族及兄親串力求之辭益堅而

女亦曲意事兄冀回其意竟不可得生計窮恨益甚所賴李姬通音耗不致隔絕然不特巫峽雨雲徒成懸想即欲親半面復罄一言不可得矣

無題詞

莫恨沉沉漏正遙去年記得此良宵合歡有願同鴛枕分袂何堪憶翠翹自昔佳期偏易阻即今好夢也難邀銀缸剔盡添惆悵幾度無言魂暗銷

又絕句

行雲巫峽是耶非堪嘆年來夢亦稀最是有懷忘不得麝蘭香透幾重衣

葉兆木

字時春浙江秀水縣人

采菱歌次韻

鴛鴦湖內鴛鴦浮烟雨樓前烟雨秋人道采菱無限樂儂今幾日不梳頭

張芬

字紫蘩江蘇長洲縣人著有兩面樓詩

閨秀尤澹仙兩面樓詩序裁冰鑿雪思深即以傳情流水止山心寂自堪悟道張君紫蘩者清河世裔茂苑芳姝學溯淵源人尤瀟灑議論則蘭閨潘陸才華則繡閣庾徐秋水芙蓉格剪六朝之綺春風紅豆詞穿九曲之珠而且姊皆道韞傳咏絮于庭前交有濟尼善譚經于室裏謝鉛華而靡事悟空寂以返真塵尾揮而參禪良有以也花枝拈而微笑豈徒然哉仙也弱偏善

病素只工愁愧此菲才蒙君雅契庚晨細咏青
抽寶鼎之煙午夜長吟碧散螢囊之火色艷品
梅之什魂銷別窟之編允矣大家才調洵哉學
士風流爰綴里言用題佳製敢曰文誇紫石竊
深附驥之思亦云誼託
金蘭庶效投桃之雅

端午村居

荒村無競渡極目野烟昏欲奠盈樽酒空悲繞膝恩五
絲難續命一賦獨招魂何以酬佳節菖蒲綠映門

秋草

一片淒迷亂鬼燐斷腸休問昔如茵王孫已破天涯夢
遊女還傷陌上春野岸帶烟昏曉月暗蛩和雨絮愁人
誰尋幽徑寒林下弔古空悲蕭瑟辰

輓燕

越海還山願已違隔簾嬌語是耶非好憑釵影傳遺照
獨伴花魂葬石磯一壘香泥閒畫棟幾宵春夢別烏衣
可憐吟客斜陽裏淚墨盈箋招不歸

七夕咏

晚涼無復舊時粧欲罷金梭益自傷莫笑離多偏易別
久時離別作尋常

和皎如沈妹見懷元韻

香消紅袖晚粧殘月下懷人倚曲欄想得吟情幽絕處
滿庭風露玉釵寒

駱秀芝

字麗山所適未詳

題吳靜嫻秋山讀書圖

道子丹青絕世無深閨又見輞川圖細看書屋秋山裏
配得文簫人姓吳
後輩何能望比肩羨君詩畫墨痕鮮雲山重阻添惆悵
披覽斯圖亦有緣

凌嫻

字靜宜江蘇長洲縣人庶吉士西涇之女也適
候補經歷許時泰

耘芝席表姊題贈拙稿次韻奉酬

親知爾我氣如霓十載離情兩處題秋水伊人尋蝶夢
春山彼美聽鶉啼蓼莪感痛君同淚蘭玉凋零我更淒
郎誦采香高格調便教東野也頭低

金佩芳

號瓊圃浙江黃巖縣人適同邑韓明府修鳳著

有集

蕨塘戴璘題金瓊圃詩卷詩香茗詞華冠玉臺
應緣仙骨自天台琉璃硯匣隨身慣不數當年
咏絮才秦雲隴樹擁魚軒吟遍關山興未
闌今日邯鄲重覽古琴絲共聽閣中彈

白菊

雪質冰肌淺淡粧
臨風獨自傲繁霜
一叢皎潔依瑤砌
數朶分明映玉堂
粉蝶夢迷侵月冷
白衣酒送隔籬香
悲秋杜甫登高日
簪去偏宜兩鬢蒼

海棠十六韻

含情搖曳出東牆
花裏神仙逞艷粧
絳帳漫圖春睡足
瓊腮合傍曉風涼
楊妃醉後嬌無力
合德來時體自香
曾吸紅雲侵酒盞
好燒銀燭映華堂
凝烟細罩胭脂雪
笑日輕勻琥珀光
應洗啼痕扶弱質
耐看淑態占羣芳
喚回空谷鶯聲巧
宿罷深枝蝶影忙
濯錦江頭堪折贈
畫眉樓上許端詳
因思舊夢初生怨
莫問秋容解斷腸

記取呼名欽杜母
安排傅粉妬何郎
饒他貯汝成金屋
遜我憐卿奏露章
幽院欣傳靈鵲噪
嬌姿偏數碧雞坊
嵐輕淡抹柔條媚
浴困斜憑紫蠟長
點筆却教添意緒
鈎心新學剪刀裳
佳人掠鬢鞦韆畔
詞客攜壺翰墨場
最愛誨橋題柱句
爲留清韻伴甘棠

是愛精辭賦卦句為留書贈半甘棠

險心深學真太寒卦人射響辨駢和同容許靈傳墨身

嵐彈劍耕桑翰散谷因採懸紫巖具鴻筆哇煖發意辭

滋徒翰輒奏霜章幽詞知專靈饋藥激發歸樓匪銀世

晴更刊各趁林母安飛軒餘政回浪蕪出報成如金星

擷芳集卷之六十二目錄

才媛詩

古歛初菴汪啟淑選

凌瑞珠 一首

殷雲和 一首

雷氏 二首

汪佛雛 一首

楊文偕 一首

王兢 一首

金鶴素 五首

白又鑾 一首

陸瑛 三首

周慶芝 五首

郭靜蓮 一首

朱明 一首

吳絳霞 一首

李學溫 六首

李學慎 十首

李璽 五首

丁抱蟾 一首

楊氏 一首

譚靜閒 一首

周蘭秀 二首

沈氏 二首

王錫蕙 一首

舒映棠 六首

張瑾 四首

張婉 三首

沈玉貞 四首

姜素英 六首

金娘 句

唐晚芳 一首

葉氏 三首

吳藹芳 四首

王玉瑛 一首

擷芳集卷之六十二

古歛 訥菴汪啟淑選

凌瑞珠

浙江歸安縣人南部縣凌夢曾之女也隨宦蜀

中年甫十二齡卽有詩聲

石谿亭

小桃齊放舊梢青 婉孌遙嵐做翠屏 約略百花潭畔見

畫橋紅影落谿亭

隆昌縣志石谿亭在縣南石橋左有堊書一絕句云桃花依舊放山青隱几焚香對畫屏記得當年春雨後燕泥時汚石谿亭不著名氏閨秀凌瑞珠和詩云云

殷雲和

詩見谷音傳響

次韻題明妃圖

漢王割愛恨何稠迢遞寒雲出塞秋留得龍城飛將在
畫圖不到隴西頭

雷氏

陝西郃陽縣人諸生史繼魯之室也著有彌清閣集惜未之見

鴈字

熏風無奈祝融火寒鴈一聲天地清不羨上林傳漢信

羨他筆筆寫孤貞

元宵哭夫

去年燈火共元宵為我窻前拂翠翹佳節依然人不見
一輪明月冷迢迢

辛莘退食錄雷氏生員史繼魯妻聰穎博涉書史工八分書能詩著有彌清閣集暮年盡焚棄之曰詩文非婦人事播之於人非所宜也今存其詩二古文一

汪佛雛

浙江錢塘縣人

寄香南君子

百花過後綠陰新小別無多又一旬也有月明偏寂寂

縱教夢去亦頻頻
蹉跎生計憐爲客
繾綣深情記踏春
儘有釵鈿供小飲
等閒切莫悞芳辰

楊文偕

字紹儷江蘇江陰縣人盧學士文昭之繼室也

示婢

學抱衾幃念汝恭
不教憔悴困泥中
微蘭知有宵來夢
行見森森茁謝叢

王 兢

浙江山陰人詩見雙節堂贈言集

汪氏雙節詩

婦道夫爲天從一妻妾同
或乃失其性所奇斯在庸堂
堂淇縣尉二婦鍾郝風當其初寡日
蒼顛若夢夢廉吏
無長物蕭然環堵宮俯仰憂不給
下策偏火攻因之叢
閔侮圭璧遭磨礪未亡寧惜死
姑老兒童蒙相對時哽
咽堅白圖永終永終良不易
執苦忘春冬迢迢三十載
依倚如駟蛩苦心天鑿格
赤手扶危宗危宗旣以立
訛滄歸肅雝孝烏嘯啞啞哀音徹
宸聰城山峯翠翠湘
湖水溶溶岌岌雙節坊
石闕蟠虬龍乞言章母德玉屑
霏閨中斂衽一再讀流涕霑衣胸
我母冰雪姿綺歲丁
天窮鞠孤矢不二芳匹二母蹤
蘭芽忽推萎否塞何由

揚芳集 卷六十二
三
通埋沒隨荒草安望石窳封生女不若男屬句心慄慄
庶幾牽連書母氏標管彤

金鶴素

字松師江蘇長洲縣人貴州臬司金祖靜之女
姪也適吳縣魏國學潛著有杼餘集

閔列女傳

夜來罷繡紅展帙一披對緬彼諸女宗芳名垂百代豈
惟婦道全才美亦兼備或則安貧賤或則殉節義或擅
忠孝名或工蠶績事境遇雖不同易地皆一類但願閨
中人誦讀如師誨今人視古人安見不相逮

酬藁砧索酒詩

嘗聞青蓮獨酌思邀月伯倫狂飲每荷鍾古人縱酒得
真趣借酒爲名寄曠達吾夫愛飲又愛吟日與詩酒共
生活今朝籬菊花盛開覓醉無由向閨闈幸藏斗酒待
君需貧家那有金釵拔

隨父解組旋里夜泊峽江有作

入峽風濤險孤舟泊夜闌林深山鬼嘯霜重月華寒久
宦計非得還鄉夢亦安親年已七十肯戀一微官

春日病起卽事

幾日春寒雨釀花一春多病負韶華紅鋪石砌天桃落

綠映紗牕嫩柳斜展卷有時欣得句望雲無際苦思家
垂簾怕看東風燕對語嚙喃與不賒

白菊

風疎三徑秋月浸一籬雪祇緣抱素心天地存高節

白又鑿

詩見谷音傳響

次韻題明妃圖

天爲中原冶麗稠故教邊塞占千秋夷光不入姑蘇地
便老耶溪不出頭

陸瑛

號素牕女史江蘇吳縣人諸生陸昶之女適諸
生羅康濟著有賞奇樓吟草蠹餘稿

秋夕懷婉兮清溪諸同學

吟罷殘編獨倚樓一天風露月當頭那堪多病逢長夜
况復懷人值暮秋鴻鴈有聲雲漠漠蒹葭無際水悠悠
徘徊不隔當年景滿目湖山是舊遊

題松陵任夫人吟稿

掃眉才子鯽魚多每展吟篇喚奈何今日一編銀燭下
鉛華洗盡筆如戈

一珠一字極圓勻初日芙蓉色澤新從此玉臺傳絕唱

瓣香爭拜任夫人

周慶芝

字蘭偕浙江仁和縣人明府嘉猷女也適湯某

馮園小飲

爲愛名園好攜樽着意看一叢新草碧幾處野花丹巧
鳥迎人語枯籐倚樹蟠酒闌歸去也落日掛層巒

春景十咏

選四

天邊霧斂碧雲橫葉底爭春鳥亂鳴小苑尋芳驚夢蝶
一鞭走馬聽啼鶯青青宿麥抽新穗拍拍輕鷗弄晚晴
返照柴門添景色從扶殘醉踏莎行春晴

隔窻啼鳥喚朝眠小院春光正靄然竹裏圍碁消永晝
花間酌酒讀新篇日移紅影橫階下風度幽香過檻前
燕子歸巢天欲暮一鈎斜掛柳梢邊春晝

清波新漲浪花顛畫舫人遊欲到天兩岸柳陰黃鳥語
一陂沙暖白鷗眠萍浮曲沼溶溶色月映長江淼淼烟
細草渡頭歸小艇釣絲猶帶水痕鮮春水

一池凍解已回陽來往園林竟日狂常向階前搖細草
每從隄畔拂垂楊薰傳綺陌遊人倦香透芳塵戲蝶忙
寄語風姨須着意莫教花落遍東牆春風

郭靜蓮

詩見谷音傳響

次韻題明妃圖

愁心不獨漢宮稠朔漠難禁冷澹秋夜夜單于偏好獵
歸來月落五更頭

朱明

字應菖號西崖江蘇吳縣葑門人

錢學綸朱西崖傳朱氏名明字應菖號西崖蘇州富門金雞河灘人能詩詞歲己丑三月男裝至松江一口題詩文廟牆垣欲赴水死為巡兵偵獲解送華亭縣時岷江高公辰以內翰出宰華詢之云產自青浦親喪家貧欲覓館無就而死耳問其能詩乎曰能高指庭栢為題援筆立就高憐之給錢五百令朱胥名耀斌者覓坊廨寺院測字為活慰而遣之不知其為女子也胥

家披雲門攜之歸女急遂實告朱婦朱夫婦大賦即陳縣再訊始服女子服進署又訊之云實洞庭山人幼喪父依母於女庵曾與同窓呂生名少白者有終身之約後各分散今訪至蘇而遇焉生已有室矣令先往松江尋寓暫居徐為之地不意候久弗至且將為居停主窺破故情迫而死耳公曰若然呂已有妻矣汝寧更為其婦乎曰願為其妾曰期而不至是棄汝矣奈之何曰有死而已高惻然仍命回朱胥家前後凡五訊而女辭終不易遂欲成其志乃令胥賣文牒詣太湖廳關女母且將招呂生而女實非產洞庭竟弗得朱胥雅重文憐才故往返需費不之怨且螟蛉之呂生者蘇人字少白美丰姿擅詩文風流跌宕人也家故貧幼與女有密約會家多故而女亦許字於葉非女志也繼於勢力無如何雖聘妻實未婚亦非其願也而葉更無賴女益弗樂從以故兩心嘗耿耿至是女竟欲以放誕成夫婦而生寔逡巡不敢許遣之松城非給之蓋欲去留勢不可也旋以詩札通問於胥且寄其次庭柏韻謝高公云古栢森庭午清

風遠被揚持心齊鉄石挺節自冰霜德邁棠陰
 芾情高松籟長鳴絃欣賞處歲晚益蒼蒼又謝
 宥女壘前韻云鳳池名久著雉陌續新揚趙父
 誠冬日鄒生詎夏霜息飛雙鳥遠鶴唳一琴長
 南拜恩何極悠悠仰昊蒼越三月女母覓女至
 松固女道士也相見各泣下欲攜之去不可再
 陳於官高命與母俱來究其母得實問欲何為
 曰願攜之去高召女詰之女慙服惟叩首問何
 從曰願從阿母歸而祝髮以事梵王公曰如否
 曰如否死而已高責之曰本縣以五番庭訊一
 何不吐真情致使徒返迄無實際女既知書何
 容昔禮夫女不逾闕禮也以榮榮弱質遠出閨
 闈不問而知為姦盜矣獨不可加以刑乎顧
 念醜聲易播名節攸關一念憐才遂爾心存迴
 護豈果反為兒女子所給乎言念及此情殊可
 惡今欲起文關會逐縣遞回必若是則女聲名
 蕩盡矣凡婦人之道從一而終設不幸而委身
 庸俗亦命也夫何尤且生既有室矣婚者婚嫁
 者嫁各循其分以安其天不更愈於貽羞父母
 里閨交譏乎女既知書女其識之女感極惟泣

終不能措一語乃命其母仍攜之歸時六月朔
 日女寓松凡三閱月所為詩甚夥不能悉載

題華亭縣庭中栢樹

庭上青青栢高枝風送揚自能超直榦端不畏嚴霜鶴
 唳清宵警琴鳴秋水長有心標勁節松竹共蒼蒼

許寶善摸魚兒詞序憶數年前有洞庭女子改丈
 夫裝尋其所歡泊跡葺城為邏者所偵送至邑庭
 邑宰試以庭前古栢詩應聲而賦居然名作因令
 老嫗送歸辛丑冬日在歸德署中述其事吾友吳
 松崖感慨久
 之遂與同賦

吳絳霞

詩見谷音傳響

次韻題明妃圖

美艷全勝進御稠披圖無奈請行秋商於負約尋常事
漢主誠孚鴈塞頭

李學温

字蘭貞小名紺珠直隸任邱縣人翰林學士李
中簡之長女也適同邑拔貢香河縣教諭舒其
綬卒年僅二十九著有麗景樓詩二卷香雪閣

詞一卷宜家瑣語一篇

無名氏麗景樓詩序蘭貞之父文園學士與余
締交二十餘載昔在京師視其女子猶子也
既而宦遊於外天各一方不得見矣余承乏東
藩二載有餘常思故人共事不可得洎調甘藩
而文園督學齊魯山以東陝以西雲樹萬重未
由覲面當是時蘭貞寧親至再錦囊佳句所得

已多而余未之聞也余往蘭山見顧觀察女昭
華詩草穎異絕倫因倩題十美圖並梓其秀句
傳於寰區以為掃眉才子獨出冠時甲午之夏
余內選廷尉而文園亦以是年冬任滿回京話
舊之餘迺知蘭貞詩詞已哀然成集矣亟出十
美圖命之題蘭貞詩成婉約有體制余方竊喜
北方之閨秀堪與南國競爽何意三

載之間前題遠成絕筆可勝悼哉

李中簡亡女墓誌銘女名學温字蘭貞小名紺
珠行一少時吾妻恐其不育使與義姊齒故行
九已丑二月適同邑荆南舒觀察次子乙酉拔
貢香河教諭其綬為繼室年二十一凡九年丁
酉三月七日病卒京師年二十有九初余教諸
女識字女長尤慧讀論語國風列女傳女誠小
學諸書能通其大義為詩文婉約成體既又好
為小詞予素不喜詞然以其性所近又所作往
往不戾風雅故勿禁也女有至性念無胞兄弟
故其教諸妹如兄於余身家事無所不竭力其
婦於舒也姑舅繼歿事本生姑和諸小姑妯娌
有賢名初隨婿來京從余學久之歸一再省余

於山東學署余卜居邑中女助其壻為余買田
起屋經營歲餘事乃集女多病自知不壽數勸
壻置媵壻勿許嘗夢遊野外荒僻地忽得句云
三年草樹認孤墳覺而惡之丙申春重借壻來
京與依買宅沙土園去余居二里許知余妾張
有身喜溢顏色朝夕為調治藥餌既余舉子又
殤女深痛之謂壻曰聞釋氏說再來人信然吾
願得早死重為吾父兒矣未幾竟死夢如二年
之數所為麗景樓詩二卷香雲閣
詞一卷宜家瑣語一篇藏於家

濟南學署秋日歸寧夫子字問歸期敬答十二韻

時甲午
季秋

高城秋色深瑟瑟寒飈至侵曉倚南樓青天來鴈字節
序過授衣黃菊驚離思展矣懷君子卓犖才未易昨日
折緘封宛轉深情致上言秋雨多窻蘭向憔悴下問歸

來期循諷潛制淚人事多乖舛關山隔迢遰雖無帷車

來空愧寶釵寄欲行還躑躅暮野憂魑魅時東郡有長
逆匪之變

吟感蕭颯浩嘆悲陰曠眺望連日夕反側不能寐轉蓬

離本根飛揚滿天地岡松與澗石歲晚同心契

春水

春光何處好溪水綠烟生蘸柳偏多態浮花最有情泥
融知燕喜風靜覺鷗輕為問桃源路漁舟小渚橫

落葉

西風方勁葉黃時寒影蕭蕭作意吹曉月不遮砧響院
晚烟猶戀鵲巢枝忽驚似雨敲窻急惟愛如花掃逕遲

剩有幽窻小橫幅春林無恙碧參差
賦得霜葉紅於二月花 得花字

寒山一帶景無涯霜染楓林葉作花
望去乍疑春在眼坐來何惜晚停車
千枝艷影迴歸鴈幾片明姿駐落霞
照水似烘憐朶朶墮風如謝惜些些
仙源可許尋漁路行客應從問酒家
落月芳魂知有未東風人面認非耶
評量韶景雖堪賞瞻眺秋光劇可誇
青女愛妝多意緒殷懃點綴好年華

春景

竹亭春草綠小雨引花香燕子來何處
啣泥鎮日忙

秋蛩

晚風淅瀝鴈流初促織微吟在壁隅
碎剪秋聲無覓處淡烟橫草露如珠

李學慎

字以漪李學士中簡之次女也適滄州太學生
左善洵著有麗景樓集

題十美圖

雕弓金羽學男兒十載從戎百戰歸
錯認昭陽陪幸者輦前一笑墮雙飛

蕉簟清涼珊枕明涼侵玉骨醉初醒
綠雲一朶西風裏

低襯仙裙上畫屏

絕世天姿出自然碧苔階畔曉風前相看似欲盈盈下
石上三生證鳳緣

將飛未舉態嬋娟誰識瑤臺自在仙見說漢臯虛解佩
流風回首悵長川

金屋羣推絕代名淡妝臨鏡轉亭亭化身却入丹青裏
莫訝蛾眉鬪尹邢

自從辭輦掩長門舊事淒涼不可論團扇曾牽懷袖影
幾回相對憶君恩

漢宮明月照邊關馬上啼紅去不還非是琵琶解愁思
玉顏容易到天山

東觀書成帝用嘉能將事業洗鉛華閨中韻事從頭數
幾個名姝號大家

輕盈無迹踏青塵十二金釵一可人玉笛聲中金谷晚
誰將小幅爲傳神

霓裳妙舞對花叢一曲山香扇底風可是羊家張靜婉
小垂手態似驚鴻

水曹清暇錄直隸任邱縣文園李學士中簡詩禮
傳家諸女皆能吟咏惟學溫學慎所著得見餘尚
未徵有慢
識於此

李璵

字繡雲又字靈玉號柔香江蘇蘇州人

錢學綸李繡雲傳李繡雲名靈字靈玉又號柔香姑蘇良家女性慧知文幼孤鄰姬撫為女笄年才色美麗人罕及焉時松陵夢香生負才落拓嘗賦落花詩傳誦吳中繡雲見之歎曰婚姻恨非女子所主苟可必此人而字之方無憾會某內翰置妾姬利其金竟歸之婦妬繡雲益快快內翰旋去世婦謀於媒姬必得俗物遣之姬曰松陵某匠俗甚婦以夢香給繡雲遂適焉詎知其為皤然目不識丁之某匠也蓋繡雲嘗語夢香於所親故婦得肆其欺云於是憤不欲生繼而嘆曰天賦我才華安可嘿嘿而死詩書墳典足娛歲月時夢香贊于周遇益塞設教東關徐氏宅無何太湖水發松陵俱入巨浸惟東關去何遠房屋不壞而繡雲亦避水賃居徐氏夢香室周氏過之繡雲答訪假得艷異編見首葉有夢香逸史私印始知其為墮淚曰素愛慕者不謂今得為隣遂感賦一絕置卷中命婢隨風還之自是書札詩句往來凡數十次女終

不許夢香寄以詩云文園多病惜青春綠綺誰拂暗塵縱使卿心堅似石也應翻作點頭人繡雲因是不能無動心生復寄書訂以今晚月明人靜事在可諧繡雲待也此曉隨風至詰生徑赴不意繡雲實有笑曰斯何事必顯然報可也至晚隨風引出往來遂得進相見之際各喜極不能出一語自是往來繼繼者三四載而夢香妻以產難亡將歸海上以詩詞別繡雲繡雲亦作詩送別生讀之悲咽日惟設奇任俠欲出繡雲為念越二載館貞豐繡雲訪知之寄以書夢香答之然紉於勢力終不能脫繡雲於樊籠而置於金屋買舟過訪凡三次後夢香復館茂苑再往候之而繡雲已亡詢於隨風隨風曰主母思先生病瘵而亡家人惑俗見焚其骨今惟骨在郊外夢香聞之大哭遂親捧其骨歸葬周氏之傍慟絕者再左右勸之止然自是而後無日不以繡雲故而扼腕歔歔泣數行下終其身亦不再娶云

惜春次夢香韻

風雨催朝夕園林奈若何柳粘眉上色花讓筆端多倚
閣閒針線穿階懶襪羅韶華已消歇好事尚蹉跎

雨窗與夢香聯句

夏雨生涼後夢鄰門閉夢時特穿蒼蘚滑繡隄踐石闌

期談儘一番暢夢情傾幾度思瑟琴無不好繡詩酒總

相宜徑馥凭花檻夢窗明捲月幃星移旋到戶繡露下

暗侵衣遑顧鴛鴦冷夢翻教蝴蝶疑良宵已在我繡清

漏且遲遲夢

梅花

品在凡花上開先萬卉叢一庭分月白滿樹洗春紅逸
韻瑤琴裏清香紙帳中可憐搖落處魂遠夜來風

閱顧珮徵近詠

林下芳名擬易安吟成新句壓詞壇却憐松柏同心結
也值芙蓉並蒂殘一種幽香來紙上數行清淚在毫端
教人惆悵音容杳欸語論心事甚難

送別

曉霜殘月慘離顏相送臨風墮鬢髮解得登樓凝望意
行鞭莫遽外青山

丁抱蟾

詩見谷音傳響

次韻題明妃圖

畫工何故宿冤稠
惆悵明妃遠別秋
延壽智昏原為利
蛾眉乃欲覓蠅頭

楊氏

江蘇甘泉縣人觀察楊開鼎女姪適候選巡檢

高曠

卧病夜感

卧病經旬久
妝臺燈半明
支離憐瘦骨
憔悴戀餘生
靜裏觀空色
愁中惡析聲
閑身如木槿
幾日得朝榮

譚靜閒

詩見谷音傳響

次韻題明妃圖

離緒愁腸萬種稠
佳人北去鴈南秋
憐伊手抱龍香撥
妙響空傳塞外頭

周蘭秀

字弱英江蘇吳江縣人適嘉興諸生孫愚公

曉起

曉看疎柳挂樓西
霧合秋窗半欲迷
衾冷不堪重索夢
黃鸝飛向隔花啼

輓昭齊表妹

三生石上指空彈
讀罷楞嚴靜裏觀
塵土何堪埋玉樹
梨花小閣又春寒

沈氏

號岫雲山西

縣人也裴中丞之子婦聞著

有雙清閣集

途中日暮

薄暮行人倦
長途景尙賒
條峯疎夕照
汾水散冰花
春暖香迎蝶
天空陣起鴉
此身圖畫裏
便擬問仙家

送翁樞歸

丹旄秋風返故鄉
長途悽惻斷人腸
朝行野霧籠殘月
暮宿寒雲掩夕陽
蝴蝶紙錢飄萬里
杜鵑血淚落千行
軍民沿路還私祭
豈獨兒家意慘傷

隨園詩話裴二知中丞巡撫皖江每至隨園依依不去舉家工琴閣中淡如儒素其子婦沈岫雲能詩著有雙清閣集云云讀之不特詩筆清新而中丞之惠政在滇亦可想見余方采聞秀詩公子取其詩見寄而夫人不欲以文翰自矜公子戲題云偷寄香閣詩冊子粧臺詳問目稍嗔亦佳話也中丞名宗錫山西人

王錫蕙

字樹百號

江蘇吳江縣人高士錫闈女弟

也適

掛芳集 卷六十二
織阿表妹抱恙寄懷

曉起驚聞損翠娥支牀猶自愛吟哦
愁情雖藉吟情遣只恐詩魔接病魔

舒暎棠

字靜娟浙江仁和縣人適錢塘丙子孝廉泰州
知州李英著有

集

題達摩祖師像

釋迦弟子名摩訶拈花花葉現微笑廿八傳至達摩師
歷授衣鉢叅心妙祖師性真本了空面壁九年成元功
一葦渡來海以北隻履浮出江之東四大圓靈無戶牖

六根虛寂脫塵垢以故不立文字禪撒手皈依示何有
當時慧可符真傳厥後曹溪徒解詮若如我輩但合十
那省毘耶空萬緣

重過虎跑寺

爲愛祇園勝重尋舊徑遊泉聲猶帶雨樹色又含秋山
鳥如相識溪雲亦解留菩提心事在長此樂林邱

齋居

葛天門巷靜無譁檻外雲屏薜荔斜夾道新槐舒兔目
黏泥嫩笋透龍牙松陰欲轉方留夢花影纔移已試茶
獨坐漸看明月上滿園煙柳帶棲鴉

題雲栖山亭

泉穿青嶂出鳥拂翠屏飛坐愛松雲晚蒼蒼影襲衣

觀蠶婦繅絲

條桑上箔麥秋時辛苦蠶功嬾畫眉不是秦川機上女
繭兒那得自成絲

四月清和絡緯新繅車轉處白於雲人人盡說蠶兒巧
未識村娃午夜勤

張瑾

字韞僊屯之妹也遭父母喪哀毀而卒時年僅
二十一著有雪香書屋吟草自以不工臨沒焚

之詩見與女兒倡和小華萼集中

雨後納涼

雨過涼生竹閒談聚小齋步隨諸姊後歡慰老親懷溫
翠迷烟徑晴波浸蘼階蕩池花正好清賞素心諧

荷花

涼雨過迴塘芙蓉試晚妝紅情紆曲岸翠蓋罨斜陽蘋
動游魚戲風來宿鷺翔夜闌嬌欲醉水暖月蒸香

卽景

疎雨灑窗過微風生遠林病情如水淡吟興入秋深

苦雨

濕雲擁樹晝冥冥
睡鴨香銷冷曲屏
扶病遣懷聊把筆
冷風淒雨那堪聽

張婉

字雲僊江蘇婁縣人張屯之妹未字而卒

水軒卽景

歇繡翻鑪篆軒窗暮色閒
春風吹雨過燕子掠花還靜
水漾新月輕雲出遠山
凭闌窺瘦影渾異舊時顏

柳

烟柳絲絲拂畫橋
一溪花雨蘸柔條
陶家門外鶯初囀
謝氏庭前雪未飄
臨水有情窺瘦影
倚風無力舞纖腰

征人怕聽離亭笛
馬別章臺魂欲銷

暑夕

荷風十里澹松月
半輪孤此際讀書好
情專暑便無

沈玉貞

浙江縣人也

絕句

收拾多愁多病身
安排永作下泉人
來宵樓外三更月
空點梨花一樹春

泉路何須嘆渺茫
古來玉骨盡埋香
獨憐未報劬勞德
夢醒瑤京倍斷腸

垂死叮嚀弟輩聽休將我語認無憑黃昏常繼書窗火
勝點幽冥一盞燈

無數青鬟繡閣中羨他未遇妬花風洵知天壽前生定
十五年來一夢空

姜素英

江蘇常熟縣人未嫁而天所著有靜齋詩

金楹靜婉齋詩序虞山神區也泉延谷響樹接
天碧都人士女競爲遊觀檀板朱絲金尊玉斝
粉黛不絕于目而風雅無聞焉豈山之鍾秀固
有限耶彼妹者予居山之麓問其氏已殊憔悴
之倫問其名更有芳馨之遺去彼鉛華受茲毫
素行枝之什可以風懊懣之歌可以怨非神靈
篤生寧若斯耶乃長才未騁芳容早凋豈不悲
哉焚餘之草空存抱柱之思靡已若使墓地有
封荒榛未沒當必奠以
椒漿歔歔欲絕者矣
瑞安毛明經紹蘭題靜婉齋集詩月姊駕瑤蟾
人間不能住吹簫紫烟中儻逐秦女去秋蛩泣
怨魂病葉思春樹題詩
遺芳馨孤襟待誰訴

古意

妾有青銅鏡照君千里形君形何所似曉露華亭亭妾
比蒲柳姿望秋已先零遲君一來折悲風起夕汀

懊懣歌

春花莫芳馨芳馨來蝴蝶花落蝴蝶飛不復思病葉

蘇臺竹枝詞

汝墳湖上烟草春汝墳湖中水鱗鱗所懽已共扁舟遠

沙鳥雙飛故向人

黃魚時節棟花飛吳女厨中雪又揮分貯瓦盆贈同舍

郎從海口販鮮歸

眞娘墓上草如烟正是清明三月天女伴相將踏青去

阿誰遺却翠花鈿

日暮笙歌動四鄰燕釵垂髻紵衣新只今佳麗惟吳郡

却恠西施是越人

金娘

字里未詳

寄吳郎

殘淚未消和影拭舊書重展昔人看

隨園詩話余作庶常時寓年家花園同年吳自堂與其兄飛池借寓園中飛池與吳女金娘有三生之約畏妻不敢聘金寄詩云云詩既佳書法亦秀媚

唐晚芳

字心如江蘇常熟縣人

落花

狼藉殘紅過短墻風前還逐蝶飛忙點機欲助廻文思
又戶頻窺半面粧金谷苔錢埋艷魄馬嵬綉襪拾餘香
劇憐鶯語藏新綠小閣重簾鎖夕陽

葉氏

浙江仁和縣人葉宛西之女適國學生趙贊元
著有友琴軒稿

蘇堤行

西陵渡口騎鱗鱗油壁香車多麗人橋灣柳綠酒帘颺
王孫恣意嬉青春昔年蘇公築堤好今日長堤徧芳草
花落花開能幾時山色湖光終浩浩君不見女媧石礎
苔痕沒千年華表颺颺穴買家秋壑茁家坟滄桑閱盡
三更月

憶妹

徘徊不語久尋思追憶當初聚首時閨閣曉窗同對鏡
園亭月夜共吟詩經年濶別頻增感每日空懷強自持
閒坐窗前數歸雁海棠深院雨絲絲

採蓮曲

楚腰纖弱淡衣裳日落移舟趁晚涼低唱吳歌輕蕩槳
並頭蓮下宿鴛鴦

吳藹芳

字苕佩江蘇華亭縣人孝廉吳士超之胞妹也

登樓春望

樓高憑檻望天氣恰新晴柳襯花間色鶯翻樹裏聲遠
峯堪攬秀曠野正敷榮潑眼春光好遙聞已賣餠

花朝

花朝風信暖次第百
花開觸景饒幽興尋詩步綠苔

竹陰

一徑歛蒸淨蕭蕭聽有聲
色侵書幌綠涼逼畫簾清

暮春卽事

散步園林看落暉香雲繞
徑綠初肥遊絲也解春將去
故繫殘英不放飛

王玉瑛

字采薇江蘇縣人適榜眼孫星衍早夭

水曹清暇錄毘陵孫孝廉星衍詩才敏捷而室人王玉瑛名采薇吟筆古峭學長吉頗得三昧

著有長離閣詩惜未得見友人傳抄數篇頗有
健句如春眠曲怨土成雲葬玉京虛簾燕落相
思淚次韻答季述夢聽啼鳥亂愁與落花深離
居曲一聲涼破楚天碧去鴈叫影思離鴻山空
鶴隨雲到戶重與葉棲亭夜坐五更霜月欺燈
影一樹風鴉續鴈聲三月三日吹夢夜風先到
樹弄愁寒雨不妨花山夕月滿無人地鐘
殘有鴈天皆清新不蹈前人窠臼可喜也

舟過丹徒

幽行已百里村落半柴扉
隻鳥時依樹孤螢不上衣
月高人影小潮定橈聲稀
沿水星星火歸驚宿鷺飛

句

戶低交葉暗徑小受花深
研墨汚羅袖看魚落翠鈿

蟲依香影垂簾網蛾怯晨光墮帳紗

一院露光團作雨四山花影下如潮

隨園詩話 毘陵王藝山明府女玉瑛字采薇嫁孫星衍秀才伉儷甚篤年二十四而夭秀才求子志墓其舟過丹徒云云其他佳句云云皆妙絕也秀才後中丁未榜眼采薇竟不及見悲夫

擷芳集卷之六十三目錄

才媛詩

古歛訥菴汪啟淑選

孔繼坤 七首

錢侶蘭 一首

莊氏 一首

韓守荆 一首

吳蕙 四首

王德輝 一首

顧英 八首

繆寶英 一首

袁機 七首

袁棠 六首

董夢月 一首

朱坤貞 一首

錢珂 一首

鍾月英 一首

蔣佩玉 五首

張氏 六首

沙石貞 一首

周映清 八首

穎芳集卷之六十三

古歙訥菴汪啟淑選

孔繼坤

字芳洲浙江桐鄉縣人適嘉興人黃縣知縣高士敦善畫著有聽竹樓偶吟

送復哉北上

珍重復珍重別緒何茫茫臨風理素篋遊子整行裝八
繭乏吳綿五紵愧羔羊春風吹客衣雨雪霏道傍出門
幾回首一顧一徬徨男兒多意氣安用戀故鄉龜勉事
行役弗縈兒女腸何以解我憂詩酒恣倘祥何以慰我

心德音頻寄將白頭有老母黃口多兒郎君職我當代
我言君莫忘窮冬氣蕭索萬象寒無光豈無三春時燦
燦桃李芳願君知此意奮志期飛揚不見黃鵠舉千里
任翱翔

薔薇

花信到薔薇園林春事稀一庭紅雨亂滿架綠陰肥似
濯文君錦還拋蘇蕙機小窗開正好吟望最依依

病起

徙倚紗窗意惘然芳春常伴藥鑪邊絕憐病卧經三月
孤負韶華又一年蛺蝶飛來渾似夢柳花飄盡不成綿

風光滿眼增惆悵賸有離情付小箋

竹林漫興

室有琴書掌有珠不教俗事到吾廬風將松子敲碁局
雨遞荷香拂座隅垂柳數株陶令宅琅玕一徑輞川圖
狂吟莫咲詩腸澁邨釀沽來也勝無

月夜

獨夜寒蛩吟西風起林樾爲憶故鄉人還看故鄉月

海棠

真如夢破曉粧新倦倚東風闕好春燕子不來天又雨
幾回愁絕捲簾人

幾枝點染竹籬新一咲風前獨殿春秉燭豈愁花睡去
微吟還有未眠人

錢侶蘭

詩見谷音傳響

次韻題明妃圖

別憾真同亂髮稠邊城冷淡怕逢秋胭脂山近添顏色
掃黛何曾繫念頭

莊氏

江蘇武進縣人適諸生朱藕塘

周公瑾祠

少年儒將佐江東祠草萋萋夕照紅大帝偏安由赤壁
小喬無恙謝東風能令故友情如醉豈許巴人曲未工
不必怨天生葛亮三分均在黍離中

韓守荆

詩見谷音傳響

次韻題明妃圖

錯繪芳容怨思稠琵琶抱出玉關秋單于一見應相訝
也道娉婷勝畫頭

吳蕙

字蘭質江蘇吳江縣人漢槎女孫也適諸生費

定烈著有庾樓吟

歸來艸堂有感

自註時兄弟俱亡
惟存寡嫂孤姪

寂寞空庭冷淒涼舊迹存乾坤埋傲骨風雨弔游魂翠
色滋階草苔痕封樹根秋風蕭戶牖獨立向誰論

柳花

和煙幾樹陌頭斜飛絮悠揚遍水涯繡閣不知春已暮
紛紛還認落梅花

鳳仙

遶砌名葩影徹簾一時朱紫總纖纖侍兒不管花憔悴
收拾猩紅上指尖

秋日寄懷蓼洲弟

一夜砧聲楓樹凋離亭風雨欲魂消便鴻南向應無數
好寄新詩慰寂寥

王德輝

浙江仁和縣人金陵吳式如室也

于忠肅公祠

倉卒羌人襲大同獨排和議繕兵戎不聞幣帛輸仇敵
曾見徽欽返故宮復辟但知酌衆賞無名竟自殺孤忠
英魂地下從容笑徐石何嘗得善終

顧英

字若憲號蘭谷江蘇長洲縣人適青浦張明府
之項以子鳳孫貴 誥贈安人著有挹翠閣詩

鈔等

陳文恭公宏謀顧安人傳略安人姓顧氏名英
字若憲亦號蘭谷父小謝名安以主事需次京
邸安人幼温敏天性孝愛既就傅耽書籍解吟
詠或時講說故事以博親歡先是小謝未有子
中年生安人愛之篤被以博親歡先是小謝
吐辭驚長者年十三始珥環綰髻習鍼術小謝
性豪喜賓客聲名藉甚解組歸園林鐘鼓之盛
甲於吳會四方冠蓋旁午議婚者日以至小謝
概弗許青浦張君之項松南先生德純子也小
謝素重松南見張君而器之以安人許字焉小
謝邁疾安人焚香誦經徹晝夜不倦猶矧其臂
糜湯以進逮卒衰服如禮後視其母疾再矧其
臂哀母喪亦如其父安人之于歸張氏也松南
家世故儒素儀節簡率小謝家減獲輩往往耳

詭掩笑安人何知之遂一屏諸焜耀繁飾推髻
練裙雍雍肅肅凡酒漿醯醢必躬飭後獻姑黃
太君色喜曰此真吾家婦矣後數年張君父松
南先生令常山因公罷通帑數千金安人傾嫁
時奩中貲以償幾微無恡色張君以教習出令
印江舊事率連禍且不測安人念二老在堂則
避艱險哀籲營緩金萬狀事竟得釋於是京師
翁然有張孝子之稱而張君連年父子相繼去
官公私交迫家道益落日亭午或爨烟間然安
人雖舉家嗷嗷必脫簪典衣致一味之甘為翁
姑進膳雪夜凝互與新婦女孫三世共擁一絮
抱一火甕聽寒鷄喔喔了無嗟嘆聲見翁姑猶
好言相慰衣單不欲作寒狀懼傷老人懷抱安
人之佐夫養志多此類張君父子可久處某非
每從閨闈中遙斷曰某也端士可久處某非
人宜遠避否且受其累後乃一皆驗居常食
指至三百餘妯娌間一體無異視有構孽者訶
之曰果爾何不面言其人慙而退歲時伏臘恒
親事刀俎內外一人不徧食安人不嘗食長夏

無事手事孳績以率子婦女孫於僕隸則不事
 苛察而人亦不忍欺也安人於書無不讀尤熟
 於史事言古今成敗得失不爽毫釐作家書信
 手干言文法古今峭張匠門先生兄之日古文高
 手也松南嘗著易緒闡抉精微張君時當憂患
 手父書安人亦多所啟發滴露研朱為推五行
 生刻之理夫婦相對陶然也工詩古文詞兼精
 書法所著有挹翠閣詩安人素少疾中更憂患
 辛苦萬端暮年經舅姑兩大喪每撫棺一慟嘔
 血輒滿地兼勸仲子麟孫蘊逸才而歿遂有肝
 氣嘔逆之症乾隆戊辰年六十二鳳孫迎養黔
 中是年冬卒貴陽官舍節使以下躬莅其喪子
 黨同袍戚友之在黔者會弔皆哭失聲焉生平
 性冲澹無一物粘滯父嘗析產萬金辭不受卒
 時金珠充溢未嘗展視散去付之一笑曰身外
 物也惟父小時所佩良玉一片鐫懃忝室慾四
 字斯須不去身臨歿獨
 囑其夫若子以為殉云
 宏博沈廷芳顧安人墓誌銘張安人長洲顧氏
 主事諱安之子常山知縣諱德純之子婦印江

知縣名之頃之妻貴定知縣鳳孫之母累封如
 彝典以乾隆十三年十二月八日終貴陽官
 舍年六十有二越二年十二月十五日鳳孫御
 匱歸葬於吳山之頂即安人所營生壙也按狀
 安人諱英字若憲號蘭谷幼即溫敏孝愛母授
 書史已能詩時述前賢事娛其親主事府君所
 交皆賢士敦槃之會甲吳中安人習女紅外佐
 中饋事無弗集侍府君疾晝夜不輟疾革猶劍
 眩糜湯以進毋疾暨喪亦如之初主事府君與
 常山府君善器印江君遂以安人歸焉常山家
 故儒素安人屏華飾荆釵練裙躬資以償幾微
 山府君罷後通帑莫措則傾奩中資以償幾微
 恹色印江君出宰以舊事牽連禍且不測安人
 漑血遣鳳孫詣關急父難事得解張氏累世
 清白家道益落或不能舉爨安人必致醴醢修
 輒嘔血其二老身備勤苦凍餒兩大喪每慟
 教子有方鳳孫就塾則以養生送死類如此安人
 弟始嘗問先儒中就學何人曰韓文公曰須學
 其大節不可奪處後舉宏詞不第兩副賢書因

就職黔中或惜其遇則曰通塞命也且受恩如
 負債亦非佳事及官貴定又曰母驚虛聲母急
 近功本躬行以爲治庶幾克如古循吏印江君
 承家學宿研於易安人每多啟發尤熟嫻於史
 事爲文古峭所著詩名挹翠閣集方鳳孫之急
 父難也奔走四方衣履俱敝形容結轡若不終
 日卒出父於刑部籍余既與鳳孫交後同舉詞
 科常山府君又先大夫執友三世世舊悉安人
 之德範深且久烏敢以不文
 辭因爲誌其大者而銘之
 業師沈公德濟挹翠閣詩鈔序略吾友張君少
 儀仁孝士也庚午冬承尊人印江君命墓其母
 顧太安人於吳山將之京師應經學徵召出挹
 翠閣詩示予曰此我母遺稿也我母不欲以文
 辭顯然爲子者何忍使其湮沒子爲我序之讀
 之識之高殖之富韻之遠品之超性情之温厚
 貞靜俱於古今體中傳寫而出即間及小詞亦
 俱清疎朗潔脫去一切肥賦之習可謂立言有
 則者矣古來女子以學問傳者指不勝屈然必
 推班大家韋逞母爲最班長於史能補漢書諸

志韋長於經傳其業者並知述聖不止爭長於
 文華麗藻間也太安人嫻史事論往古成敗興
 壞具有特見於身世事一以論史之識斷之又
 張氏世傳易學印江君值窮困於吉凶悔吝抉
 摘微奧太安人闡天人變易不易之理以佐輔
 之卒能處憂患而適安其常根柢如此則夫見
 之韻語者應有自得於對偶聲律之餘者耶又
 與張氏比鄰而居者述太安人晨夕課誦吟咏
 之聲時出蘇垣蘿屋中隆冬盛暑不輟予時以
 女學士目之今讀其遺詩如詠懷送遠勉仲叔
 榜後訓子諸作其尊天爵重行已敦孝行安命
 侯時以行其素者有丈夫子所不能見及者也
 子推本作詩之源以應少儀之請者如此若其
 家學之深剗股之孝芥萬金而能辭處窘迫而
 不悔印江君有難遣其子備歷艱險以脫父
 于危者於志傳中備書之茲祇序其詩云
 青浦縣志顧英字若憲亦號蘭谷長洲人少慧
 父安愛之安邁疾英焚香誦經徹晝夜不倦疾
 革剗其臂糜湯以進逮母疾再剗之其篤孝如
 此顧氏本素封園林賓客以豪侈相尚英年十

九歸于張之項屏繁飾椎髻練裙凡酒醬醃醃
必躬飭而後獻姑喜曰此真吾家婦也後數年
舅德純罷歸常山令逋帑數千金英傾嫁時貴
以償之之項為印江縣知縣以舊事牽連禍不
測英遣子鳳孫詣闕請代且營贖鍰乃得釋
連年多故家道益落或亭午爨烟闐然英脫簪
典衣為翁姑進膳雪後凝沍與新婦女孫三世
共擁一絮抱一火甕了不聞嗟嘆聲也子鳳孫
舉博學鴻詞未第兩中副榜授貴州貴定縣知
縣人或惜之英曰人生通塞自有定命且受恩
如負債亦非佳事也英喜讀書尤熟於史事工
詩古文詞著有挹翠閣詩詞年六十二終于貴
陽官舍

秋夜

秋風入庭樹落葉催寒醬皎月鑿羅幃鳴雁應清商離
憂不能寐攬衣起仿徨仰視青天廓遊子渺何方室遠

而心同明德敢暫忘臯蘭含露滋籬菊吐幽芳韶華易
銷歇顧影徒自傷安得雙飛翼因風覩容光

少年行

聞道長安游冶者雕鞍寶勒青驄馬揚鞭朝獵小平津
暮宿紅樓醉玉笋千金不惜買新聲花底鴛鴦葉底鶯
俠骨佻佻自矜詡一擲百萬誇豪英不念閨中顛顛婦
荆釵裙布甘荼苦長夜漫漫憶遠人手剪征衫淚如雨
鳳兒入泮詩以勉之

世澤承餘蔭兒郎正少年趨庭欣克肖為學貴精研莫
折幼輿齒期先祖逖鞭傳家有清白賴汝鳳毛賢

飛花追和文衡山韻

避風臺畔燕飛忙
金谷樓前春渺茫
殘粉羞沾潘鬢老
亂紅遙度賈簾香
低隨落日迷江樹
緩逐遊絲遶苑墻
人去漢江環珮冷
欲留僊影倩鸞腸

新篁迸土已成叢
香逕烟消片片紅
細草一川收宿霧
斷霞千縷颺晴空
巫娥力弱禁春雨
飛燕身輕倚晚風
正是離人愁寂處
杜鵑啼斷綠楊中

庭竹

不改此君色
凌霜翠轉幽
託根真得地
莫更羨丹邱

病起

西風蕭颯雁飛遲
病骨秋來不自持
藥裹茶鐺消受盡
那堪更詠杜陵詩

曉怯新涼試袷衣
瑤琴寂寞賞音稀
閒情輸與花間蝶
猶趁輕風自在飛

繆寶英

詩見谷音傳響

次韻題明妃圖

孤塚青青草色稠
龍沙埋玉幾千秋
憑誰繪出和戎女
可似當年畫上頭

袁機

字素文行三浙江仁和縣人簡齋袁太史枚之
女弟也適高某著有素文女子遺稿

國朝詩別裁集袁機字素文浙江仁和人太史
子才之妹幼許字如臯高氏子後高以子有惡
疾願離婚素文曰女從一者也疾我侍之死我
守之卒適高高躁戾佻蕩傾奩具為狎邪費不
足扑扶外至以火燒灼之始救之毆母折齒既
欲鬻妻以償博者不得已始歸母家長齋素衣
孝養母氏高氏子死哭泣盡哀血淚盡越一年
亦死女子中苦行無逾此也檢篋笥得手編列

女傳三卷

袁枚素文女子遺稿序略袁枚第三妹曰機字
素文小字三姑幼侍枚讀書枚從塾師講歸語
姊妹領解若素所問既長益習於誦針衽之餘
縹緲盈積羽母柴太夫人春秋高妹具滌灑播
疴癢能曲順老人旨康熙五十七年先君佐高
公清宰衡陽致相得也高公豪于施事上游傾

庫以供先君驚曰吾為而子孫憂必若此請簿
籍而印識之為日後脫禍計高公從之雍正元
年高公卒先君幕遊于吳聞高氏虧帑四萬妻
子繫獄慨然曰固吾料也非我往則難不解遂
具行李歷洞庭而南與其弟高八持印簿訴制
軍制軍者大學士滿丕也素善先君兼知高公
之寃為平其事命按簿償出高氏于獄當是時
簿中貴人陰探高氏孤稚無能為謀寢其事具
三千金使人要先君曰先生胡然持是歸足矣
先君怒而此之高八聞之益感謝臨別泣曰無
以報聞有愛女三姑未婚其妻方妊幸而男也
願為公壻已而果然因寄金鎖為禮先君自楚
歸復之粵之滇之閩高八補陝西富平邑丞音
問遂絕乾隆七年高八以書來曰某子惡疾不
可以婚願以前言為戲先君猶豫未決妹侍側
嘆曰女子從一者也疾吾侍之死吾守之持金
鎖而泣以其言復高氏高八歿其兄子繼祖又
來曰壻非疾也有禽獸行叔杖死而蘇慮以怨
報德故辭婚賢女無自苦妹聞之怡然竟適高
氏高八小僕而斜視躁戾佻險非人所為見書

卷輒怒妹自此不作詩見女工又怒妹自此不
持針綫索奩具為狎邪費不得則手按足踐燒
灼之毒畢具姑救之毆姑折齒妹隱忍不言輸
博者錢將負妹而鬻妹見耳目非是告先君先
君怒訟之官而絕之妹歸家與老母同卧起母
體微不適妹徹夜侍衣不解帶又能記稗官雜
史國家治亂名臣言行神仙鬼怪可喜可愕者
數稱說歌唱為老人娛枚入定省聞所未聞學
為之博自離壻後長齋衣不純采不聞樂遇風
晨花朝輒避人而泣如舉人至必出問堂上姑
安否寄贈衣食甚謹前一年高氏子死妹聞大
慟意忽忽不樂今年十一月妹死年四十死時
枚在揚州聞病篤奔歸氣已絕殮以常服惟繫
玉玦一枚所以表其德傷其離也女印官弱言
一切人事器物不能呼而能書指形摹意皆母
教也 想見妹之苦志云檢篋得手編列女傳三

袁枚哭三妹詩五枝荆樹好忽隕第三枝最
是風華質還兼窈窕姿令儀宜協吉論齒未應衰

袁枚哭三妹詩五枝荆樹好忽隕第三枝最
是風華質還兼窈窕姿令儀宜協吉論齒未應衰

情以隨肩重喪因在室悲鵲飛竟斷手足夢
重追弄藥爭花日將笄未弁時金籠擒蟋蟀竹
馬逐隣兒各踞長松銀同分野竈炊書燈裁紙
照學舍隔簾窺呵手圖清雪當盤筭切棋鬪殘
春草綠舞罷柘枝歆貧不爭梨栗懽能咏豆其
非魚常作隊似雁不差池擬續蘭臺史堪刊紫
石碑阿兄試京兆小妹倚門相望信頻穿眼登
科代展眉分襟長戚戚聚首更怡怡至性醇無
比多情畧在斯一聞婚早定萬死誓相隨采鳳
從鴉逐紅蘭受雪欺踏搖曰素髮鯀摘損凝脂
瑱珮嬰兒撤犁鋤健婦持釵餘添姊禍嫁後失
爺慈捨宅棲蘭若長齋伴濟尼當官懲媚惡合
族笑姨痴婦棄仍歸矣天高不鑿之已經分破
鏡長自奉慈帷紛悅辛勤侍羹湯宛轉吹呼盧
老親伴問字舉家師有女空生口無言但點頤
方形勤指矩圖象強摹規水色雲沉閣山光樹
嘯鷗避人常獨坐對影輒漣沍豈戀終風暴常
懷其雨思冰心明月見春恨落花知寂寂芳華
度奄奄玉貌移九迴腸早斷一日病難治自覺
傷心極臨危作遠離家貧投賤藥膽壯誤庸醫

白下巫陽至揚州
蕩子羈魂孤隨夢
速江濶送終遲路
上錢猶卜靈前帳
已披承衾摩暝日
搜篋理殘詩欲止
高堂慟先教私淚
垂蒼茫惟有恨啼
勸兩難爲苦憶連
年瘡頻勞徹夜支
今朝偏送汝他日
更呼誰殘雪敲窗
戶悲風動酒卮
浮生千古幻哀輓
幾行辭盼斷黃泉
路重逢可

期有

鏡

我有秦宮鏡清光欲上天
近看花獨立遠望月孤懸
菱

燈

角何時鑄盤龍不記年
無人來照影拋擲井闌邊
添盡蘭膏惜寸陰煎熬終不昧
初心孤檠柄曲吹痕淡
細雨更殘背壁深有燄
尚能爭皎月無花只可耐孤吟
平生一點分明意每爲終風恨不禁

春懷

二月清明柳最嬌
春痕紅到海棠梢
寄聲梁上雙飛燕
好啄香泥補舊巢

送雲扶妹歸揚州

江城花落滿溪烟
送汝于歸二月天
一路暖風琴瑟好

春聲都在木蘭船

此去蘋蘩慎所司西湖花鳥莫相思同懷姊妹憐卿小

珍重初離膝下時

水榭風燈廿四橋乘鸞月夜好吹簫雙魚切記勤芳訊

莫負春江一夜潮

清風林下說才華久有詩名重謝家學罷杭州大梳裹

又彎新髻插瓊花

袁棠

字雲扶號秋卿行四簡齋太史女弟適汪孟翊

著有繡餘吟稿盈書閣遺稿

汪孟翊繡餘吟稿序內子秋卿為存齋太史之
 妹太史兄弟能詩秋卿耳濡目染發口成音其
 所由來者遠矣于歸後孝尊章慈子女閨閫之
 內穆如清風益信聖人之教為不可誣而詩之
 有益于婦道者果深也昔徐淑秦嘉互相倡答
 佳話遂傳千載今秋卿誠似之矣而余以半商
 半士之身風塵奔走含毫邈然其能
 上繼古人否耶聊弁數言以志吾愧
 又盈書閣遺稿跋內子秋卿歸余者十四年其
 為我事堂上也生則盡養死則盡禮其為我撫
 子女也既綿其鞠育更完其婚嫁至一切摒擋
 家務黽勉有亡助余之不逮者不可更僕數少
 有餘閒拈題分咏其所為詩皆發于至情至性
 無香奩氣余竊喜內助得人兼得閨中文字友
 洵足樂也不意以產厄而亡嗚呼余衰且老子
 然而鰥遺挂在壁觸目悽絕不得已輯其遺稿
 伏而讀之讀竟則痛痛極復讀雖不得見秋卿
 讀其詩如見秋卿也續付諸梓以附于繡餘吟
 後之

袁明府枚繡餘吟序繡餘吟者女弟雲扶所作也占歸妹之爻生逢第四學玉臺之體才竟無雙用志不務開卷有得凡金鑿紫石之文元日椒花之頌南陽寶鑑徐惠小山靡不妍手爭華偏絃競響一兩乃灘江壁墜早喪靈椿合浦珠還來依棠棣揚舫帝子之渚弭節龍女之堂萬重山翠寫入雙蛾一口紅霞嚼成九轉珮瑱而浣答子貢之三挑踞轉而歌笑丁娘之十索或懷兄楚戍或送姊夔關叩徵苦生彈宮甘發韻語與機聲相續燈花共綫影齊清團扇風開鳳尾雲藍之紙金星裝罷蘭熏粉澤之書集號繡餘私附針神末座歌成郎罷庶幾女史同箴亂眾芳于五風比華星于一字可謂掃眉之才人不櫛之進士矣更喜姪姑耦新藁砧憐重三商卻扇便磨寶鏡以試秦嘉五日采藍更詠盤中而寄伯玉壽酒則結禰待猷瓊花則抗手同看東廂夫婿既步步以成行魯國叔姬每雙雙而俱至豈非緣隨性善福與慧兼者與所望篋獨母忘揮掩得所澤髮懷順傳粉道和珠多而首飾有光學大而心聲作采此時步障替小郎解圍

他日蘭臺為阿兄續史將見吾家詩事六宮傳大捨之名海內女宗十哲配宣文之享又盈書閣遺稿序辛卯夏五女弟秋卿以婉難亡于汪氏兩家以為大戚凡姑姆餘須扈養輩亦俱走位哭充充如有窮蓋其居恒制行字而敬德而度有以孚人之深也逾年妹婿楷亭屬序其詩予不禁累欷洵涕而百墨其前行日嗚呼吾忍序吾妹也夫吾忍不序吾妹也夫妹為叔父健磐公第四女生長粵西余歸叔喪于杭始見妹妹莊妹悒嫺牙牙學語心雅憐之不知其能詩也居亡何讀中秋七夕等作愛其清絕色然而駭亟餉一釵以劫恚之妹竊喜自負益奮從此以詩名噪于時既婚汪氏得尊章歡恩前寶孤如實出已治家循整睽畜偏縱罔或勿蠲暇則吟唔聲與鍼衽間作汪故巨族人繁而囂問妹賢且才爭來窺觀或寄卷冊丐題或呈所作求唱喁削改妹推奩具坐肆意酬荅藻思盈湧靡不領頤伏嘆有林下風余過揚州視妹妹事余謹甚一浣濯一膏賡必躬辨治知余嗜淖糜雖漏盡歸霜燈熒熒輒蘊火盃孟以俟探

刺余少休便值然捧艸稟出拭几磨墨映余而笑余戲曰女弟子又索診詩耶應聲曰阿兄之聰也嗚呼此情此景曾幾何時而今不可再矣妹詩淵雅志潔而情深續乎其猶模繡也因念遂古來哲人偉士得一卷書傳後死猶不死妹雖一女子雖死有可傳者存夫復何悵獨是子年屆大董妹纔三十八耳例以曹大家爲孟堅續史事妹當序余余不當序妹乃忽反其局以相將天道茫昧一至於此嗚呼命矣夫

哭步蟾三兄

昔我于歸辭故國別母牽衣留不得三兄送我向江南
錦浪桃花同一色姑嫜堂上愛兄賢代作冰人贅陸宅
一家親作兩家親月夕花朝秋復春同看瓊圃花連蒂
醉踏平山月一輪二兄春赴瓊林宴花磚日影搖金殿

銅章墨綬出都城遠別京華赴洛縣洛縣有花花滿署
正是板輿迎母處臨安雁字至維揚整促行裝從此去
辭儂歸去奉高堂薰風縈紆道路長地接函關幾千里
勞損精神從此始一家花萼聚中州金盞琴堂屢唱酬
彩衣正要娛親側天上來催赴玉樓前年五弟先催折
今日兄爲泉下客連理人分次第亡刀鉞一夜生胸膈
從今怕見廣陵春回首天涯倍愴神羨殺世間嬉戲者
荆花成隊是何人

幽居

欲識蓬門境荒苔草色深疎籬穿犬道巧語雜春禽慢

效阮君淚還憐鍾子心琴書今古意流水豈知音

秋夜懷兄

寂寂秋聲思不禁繡簾微動晚風侵闌干影轉千家月
砧杵聲移兩地心手足情懷頻悵望詩書燈火費追尋
紅箋欲寄何由達千里江南少雁音

賦得春風扇微和

春風能扇物淑氣媚晴和蕩漾迎春轉飄搖拂面過暖
吹桃蕊綻輕遞柳梢多助蝶翻新翅傳鶯弄巧歌有聲
來竹迳無影動池波玉律迴芳節清暉映遠坡

春興迴文

沉沉綠柳和風暖艷艷紅桃曉日晴深苑春鶯啼舌巧
林花亂蝶舞風輕

秋夕

雲鎖秋光夜氣濃半窻花月影重重不知誰弄桓伊笛
黃葉蕭蕭下晚風

袁明府枚送四妹雲扶子歸揚州詩江城春暮水
漫漫送汝揚州作季蘭十日新婚隨婿別二分
月待誰看貧家奩贈新詩好世上賢名後母難
取張華箴女史莫教離恨目波瀾秦樓挽手正
臨底事雙飛去不禁族大爭看新婦貌夫憐暗
阿兄心嘔啞江上三更檣安穩沙灘兩睡禽早
瓊花寄芳訊舉家翹首白雲深
又哭四妹雲扶詩看罷瓊花十四年無端荆樹起
寒烟分明一個投懷燕化作金棺下碧天白頭夫

倩寄哀詞惹我沈瀾淚不支何苦生前太賢淑一
家人去兩家悲幾番邗上偶揚舫乍入門先笑滿
庭兒子稱慈姑道孝一齊夸與舅家聽久諧食性
羹還問才脫衷衣浣已終寒夜歸來一甌粥累君
立盡滿厨風謝家詩筆最幽清性喜推敲學更成
偷眼阿兄間坐處捧箋旁立女門生端陽時節手
書來為賜華姑小玉釵今日寄聲乾阿嬾教他持
服更持齋開眼誰為骨肉親連年手足又傷神自
憐老淚無多少偏
作人間後死人

董夢月

江蘇華亭縣人董五峯之長女也適毘陵錢名
世之子某

送春

芳春歸去也人嬾似蠶眠花雨飄紅淚雲山鎖翠烟韶

華成黯黯愁緒自年年鎮日紗牕閉由他撲柳綿

朱坤貞

詩見谷音傳響

次韻題明妃圖

屈抑都由賄賂稠負他才貌易傷秋漢王選色遺珠玉
合作龍城女狀頭

錢珂

字擷芳江蘇吳江縣人寧武牧之青女早天著
有擷芳艸

臘日

掛芳集 卷之三
氣暖陽初動花枝漸入春故園梅自發不待未歸人

鍾月英

浙江嘉興縣人詩見采菱歌倡和集

采菱歌次韻

天光下映水光浮處處同聲慶有秋采罷蓮花菱又老
相將那得不回頭

蔣佩玉

字湘紋江蘇長洲縣人兵部侍郎元益女適鎮
洋縣諸生王洲著有湘紋吟草

秋夜

銀魄動秋光淡淡雲輕護夜靜獨憑欄徘徊時坦步清
露濕羅衣商飈來遠樹河漢碧迢迢微茫星斗布叢桂
影婆娑廣寒疑有路

籬菊呈家大人

秋光何澹蕩黃菊滿籬東瘦影安排靜幽香點綴工霜
華延冷色晚節傲清風獨有陶彭澤吟詩逸興同

春日放舟

花塢紅初暈春江翠欲流烟光凝畫檻歸思繞雲樓桃
浪紋如縠蘭窗月滿舟天台疑有路訝共阮郎游
志雅齋偕引妹乘涼

蘭湯浴罷憩空庭雅愛涼風透畫櫺漫取綵絲穿抹麗
閒攜紈扇撲流螢玉階朗照三更月銀漢高懸萬點星
對景吟詩並酬唱芸牕檢點一燈青

題畫

幾點青山杳靄中柴門臨水帶烟籠結廬誰在幽篁裏
半貯朝霞半晚風

張氏

名瑤瑛字巘舟浙江仁和縣人適王生健菴著
有繡墨齋偶吟

袁明府枚繡墨齋偶吟序余已鐫三妹詩行世矣亡何王甥健菴袖一冊來曰此甥婦張瑤瑛

作也舅為理而存焉余讀之才思清鮮不在吾家三妹之下因思閨閣多才其淹沒而未彰者不知凡幾健菴雖不工詩然能知其婦之能詩不遠千里手錄交余視昔時之天壤王郎固已賢矣且三妹年俱不永遺稿僅存若干瑤瑛則方屆中年其造詣尚無涯量余為梓其尤者附于吾家三妹之後不幾使三妹不孤兼使瑤瑛知知音有人將勉而益進之也

秋齋閒咏和健菴

風吹雲影散斜日上花梢雨霽蛛營網林踈鵲補巢舊
衫歸日澣新句暇時鈔待月閒情永渾忘禁鼓敲

春晚漫興

落日轉窗紗炊烟接暮霞新苔鋪徑淺細柳趁風斜催
雨鳩呼樹營巢燕掠花繡餘無箇事閒步聽鳴笳

秋閨卽事

小窗蕭瑟袷衣涼
寶鴨爐熏百和香
繡線拈時還掩帖
古書繙却復投囊
寒塘秋老鳴蟬絕
空谷風生石燕翔
靜聽秋聲已如許
愧無好賦續歐陽

晚春

寂寂閒庭花影移
朝來微雨濕鶯衣
曲欄杆外輕風過
紅減枝頭綠漸肥
霽色才過小雨餘
濕雲飛盡捲簾初
閒中不識春將去
風捲楊花過綺疏

繡墨齋

繡墨齋中別洞天
裁紅暈碧四時鮮
興來酒醉詩狂甚
錯被人呼女謫仙

隨園詩話國初逸老某贈妾云香能損肺熏宜少
露漸沾花採莫頰王健菴妻張瑤英示兒云教兒
寶鴨休添火龍腦香多最損花瑤英有繡墨詩集
余已為刊刻矣茲再錄其佳句送健菴云縱無多
路情難別須念衰親遊有方病目云豈為愁多清
淚落却緣烟重午炊遲偶成云無夢不愁鷄唱早
有書只望雁飛過荒院草剛三徑濶破牕風入
一燈危蛛知網濕添絲急月待雲開到檻遲

沙石貞

號東臯江蘇甘泉縣人

題吳靜嫺秋山讀書圖

山氣蕭森墨瀋香
蘭闥佳手詎尋常
衛書月暎簪花格

管筆烟生近水篁眉嶺露華清古帙輞川風景覺新涼
一爐沉水虛齋靜遊遍高林野趣長

周映清

字浣澹浙江歸安縣人周玉音女適湖南布政
使葉佩蓀著有梅笑集

古意

美玉出崑岡千載埋幽壑一朝出塵坳光氣耀重薄剖
璞得良匠拂拭事礪錯晶瑩無纖瑕素質秉礚礚急投
非其意韞匱甘淡泊忽逢席上聘觀者盡錯愕璠璣遇
有時珍重葆堅確

東山有佳木上棲白項烏晨昏戀舊巢歲暮猶將雛雛
成刷毛羽振翮遊上都朝飲蓬池水夕宿瓊苑株亟歸
思反哺豈謂身已孤繞樹三百匝空使尾畢逋哀鳴白
雲端蒼昊不可呼

渡揚子江望金山

江天淡蕩朝霞紅澄波萬頃流融融舟人解纜渡江去
漸覺帆腳生微風蒼茫遠樹失京口舉頭忽現青芙蓉
奔流直下走東海金山突兀當其中樓臺明滅晃金碧
有如蜃海浮琳宮晴煙縹渺飛鳥絕但見古塔撐青空
我聞此水貫楚蜀北江下注連南東天留片石作屏障

掛芳集 卷之三
直與底柱爭穹窿坐攬奇景豁胸臆敢燃犀角窺蛟龍
收帆瓜步一回首江南千里青濛濛

憶梅

最憶巡簷際瓊林送暗香薄寒人料峭無語月昏黃羌
笛休頻吹瑤華祗自傷春來菱鏡裏憔悴壽陽粧

雁字

秋風吹影落瀟湘乍似臨池更渺茫遠岸空江千萬點
淡雲微月十三行分明鳥迹摹飛白豈是雞碑榻硬黃
萬里蘇卿書未寄空傳五字怨河梁

家雞野鷺忽成羣書破澄江白練裙誰識啣蘆來絕塞
依然畫荻亂浮雲風前草草驚行斷水面人人惜影分
憐爾書空無限恨天涯何處弔湘君

移居粉坊琉璃街

辛苦天涯未有廬閒坊敝屋卽安居傍人莫笑無家具
針線琴書共一車
橫街東畔數椽偏風雨幽居近五年官舍也知非我宅
爲他梁燕更留連

揚芳集卷之六十四目錄

才媛詩

古歙訥菴汪啟淑選

王薇玉 九首

茅紉蘭 四首

張茂岑 三首

方芬 六首

席仲田 三首

魯湘芝 六首

畢慧 五首

戴素蟾 十一首

覃光瑤 六首

王芬 八首

周玉琴 五首

張昭 三首

陳仰巖 一首

陳發祥 二首

程芬 三首

袁淑娟 四首

潘畹芳 一首

葉定 十首

汪桐音 三首

馮蕙 二首

陸誦芬 八首

蔣綉徵 三首

擷芳集卷之六十四

古歛訥菴汪啟淑選

王薇玉

字采薇號玉珍江蘇武進縣人王光燮之第四女也適同邑孫太史星衍著有玉珍集

王光燮王薇玉小傳薇玉字采薇自號玉珍余第四女也其母夢月旁一星光彩熠熠或告曰此四女星也欲手摘之倏不見及生姿質清弱八歲許同邑句容教諭孫君名勳之長子星衍既長性柔婉航文史手不釋卷小楷絕工尤好吟咏雅愛潔靜每明牕淨几讀書臨帖煮茗供花儵然物外緇道出家書志神仙余切戒之則止而夙根靈慧時有出塵之思性至孝得嫡母白孺人歡心迄於既嫁猶依戀不舍余愛比掌珠每有拂抑嗔怒對之輒解竊以爲吾家嬌女雖

大家左芬不是過也年十九贅星衍於家次年
 星衍遊庠有以喜稱賀者女曰冠而矜奚喜為
 星衍聰穎工詩偶儻不羈與邑中名雋錢維喬
 洪履吉揚倫趙懷玉黃景仁呂星垣等唱和時
 有毘陵七才子之目甲午秋闈被放女頗抑鬱
 從星衍之句容謁太姑及舅姑俱稱美之而女
 以乍離膝下又有其姊之戚其姊即余三女適
 吳者與女異母而齒相若友愛甚篤三女亡女
 悲慟欲絕自憐孱弱亦恐壽命不長居常悒悒
 乙未九月生女阿靈得嗽疾體漸羸怯丙申七
 月歸寧病益劇竟于十月二十三日卒年二十
 有四殮時顏貌如生手足溫軟似乎解脫者今
 年春星衍乩仙云是董雙成下壇稱女已歸仙
 位住切利東宮掌上界書三百架不暇回家有
 寄外八絕託其代致詞
 多密語惟星衍知之
 吳會英才集武進王采薇玉珍孫季述妻才慧
 早世袁簡齋太史為之墓志稱其詩哀感頑艷
 丁當
 清逸

曉起效徐陵體

春鏡動春煙春林綠半天簾低壓枝卷窗迴對禽眠書
 帳蠅彈紙琴牀風觸弦辭袞惜香在掃徑待花薦研墨
 汚羅袖看魚落翠鈿誰云厭長日終是惜馳年

望夫石

妾顏初如花妾心已如石定情雙妍姿不忍君歸見衰
 色妾顏將彫心不移妾身亦化君始知冰為肌艸為鬢
 山頭無人寄君信妾意淺君心深恐君復化填海禽海
 禽來銜石方動不作巫雲入君夢

曉步

曉色凝不來鴉啼去何許茶煙生溟濛孤桃索人語幽
林無人拓窗徧一桁碧山低未見日氣如煙聚水心雨
光滿地流花片

春眠曲

篁梢壓戶簾紋細空色湖光著山膩鶯眠樹杪弄垂絲
蜨上花鬚醉芳氣琉璃隔香香暗流薇帳夢醒聞輕鈎
空闌盡日無人影日炙落紅蕩不收

得季述書

尺幅吟牋照淚眸半窗斜日夢孤舟愁如天遠還窺帳
病與雲親不下樓濕翠雨收侵硯匣落紅風颭上簾鈎

青山到處應相憶除是征人醉裏游

次韻荅季述

香霧斜橫帳衣絲重壓衾夢聽啼鳥亂愁與落花深易
盡千行札難分一縷心相如情若固何用白頭吟

夢起

夢醒空階望翠微幽苔染影上羅衣寒天細竹人孤倚
斜日空檐燕對飛碧嶺疊來鄉路斷玉梅枯盡舊顏非
夜堂疏磬疑禪寂冷水閒雲照合扉

向夜

樹影入清漢蟬聲動小樓凭闌弄清笛微月在釵頭

有感

名香一縷當簾出故札千函向日開入夢已迷前度草
返魂惟有去年梅

茅紉蘭

字秋佩浙江長興縣人茅應奎次女也適同邑
文學李志廣著有綠牕集

戊申五日憶楚中無信

苦雨來蒲節蒲觴漫共陳空庭三載內長憶弔湘親

燕至

越燕雙雙壘畫梁和風庭院日初長深閨莫羨簾前舞

秋去春來易斷腸

憶父二首

楚越迢迢江路長繡床底事細思量薰風盡日吹蓮葉
蘭芷還應繞膝香

蚓笛聲清涼夜幽思親飛夢楚山頭空懸千里殊方月
底日承歡話別愁

張茂岑

號篋書江蘇江都縣人適文學汪文錦

題方采芝詩稿

小小能詩叶鳳鳴落花依草最多情性靈虛道如秋水

遠浦珠明老蚌生

臨牕初染眉梢淡握管偏工花月吟好語賦人歌欲醉

可知絃外有清音

憑他翰墨供揮灑亦有鶯花為解愁漫道書生原不櫛

翰君占得女班頭

方芬步韻謝張夫人詩自慚蟬噪與蛙鳴最語深
勞眷注情想得蘭閨多妙句二分明月對眉生誰
似謝家工詠絮教人耻作等閒吟還求見示金針
訣俾我龕知正始音數首燕詞承謬獎髻齡學語
最堪愁何時親接班姬
訓又勝題詩在上頭

方芬

號采芝順天大興縣人嘉善縣丞方維翰之女

適國學生程著有綺雲春閣詩草

國博金兆燕綺雲春閣詩草序略閨秀方采芝
為吾友方君蕩塘之女年甫及笄已窺古人堂
與今其叔父介亭筮仕湖南將兄弟挈家以往
采芝自幼隨官東南名勝之區題咏殆遍今又
將以洞庭之波衡岳之雲大昌其詩其所遭何
其幸歟余比年來薄宦都門與二方結莫逆契
每傲車贏馬自官曹歸輒望二方之廬作中道
憩采芝有所作必以示余茲且隨侍遠去余亦
齒落髮白逝將歸老田間他日班姬之史韋母
之經采芝所以自遷延趙蔭尚可於郵筒往來
余老人寂莫蔣廬遷延趙蔭尚可於郵筒往來
快觀其全豹吾知其不以其行始
所為而不臻其極矣於其行始
書此於詩卷之端以為之券
又題紅蕊山牕學吟稿女牀山下聽鸞鳴雛鷺
仙音倍有情他日班姑賡唱處曹家何自得豐
生天南從宦踰閩嶠硯北揮毫有越吟少小聞
中成絕唱教人何處嗣徽音好學頌椒憑納吉

莫教吟絮只工愁
韋家經帳
陶家髻富貴
相期到白頭

晚行過昭山

時隨任醴陵

長沙西去水驛長
季冬不覺江風涼
昭山對面挹秀色
龍口飛渡波茫茫
斜陽縹渺入林去
岸風吹送梅花香
山頭古寺鳴鐘起
噌吰鏜鞳和鳴榔
松聲撼撼復入耳
須臾明月浮清光
眼前景物動吟興
千態萬變非尋常

阻風敬步伯父原韻

大風徹夜舞狂漪
正是扁舟繫纜時
兩岸霜楓紫遠夢
一帆寒雨亂鄉思
江間白浪青山動
天外黃雲畫角吹
寄語石尤須早息
揚舲穩渡莫教遲

水曹清暇錄大興閩秀方芬號采芝子友種園方
維翰之女也幼即聰穎十一齡時阻風曾有句云
江間白浪青山動著
有紅蕊山牕學吟稿

夜來香

花與葉同色開時有妙香
月高深夜靜芳氣襲衣裳

留春

韶光九十憐將盡
送別匆匆強欲留
春去也知留不住
低徊花逕思悠悠

讀杜少陵詩

為愛新晴開卷宜
小牕靜讀少陵詩
分明國史同家乘
一洗人間月露辭

題美人春睡圖

春風先到美人居
倦繡心情畫不如
試遣鶯兒輕喚醒
午牕重與讀關雎

席仲田

字養卿江蘇常熟縣人
適同邑屈煥發著有綠

窻小咏

李繩綠牕小咏序海虞屈君友叔輯其元配席孺人所作詩詞一冊名綠牕小咏乞予弁語子聞孺人為景溪舍人幼從父課詩成五七言近體得外祖宗派孺人幼從父課詩成五七言近體閒雅有則舍人最鍾愛歸屈不三載而歿傷已昔元詩選有蕙蘭孫氏工詩歸傳汝礪五月卒汝礪不忍聽其湮滅哀成一編題曰綠牕遺稿以今方昔何啻一軌抑聞孫氏當日勤操作以

養謂吟咏非女子事故篇帙寥寂孺人有孝行亦不欲以詩著其所咏甚多屬憶親懷姊無粉黛習氣嗚呼幽靜之德殆于斯可覘歟片金零翠餘光弗黯他日探國朝閨秀詩詞此草當屈一指矣

七夕燒香

今夕彎環月秋光射翠屏
穿針臨水閣乞巧在涼亭
露點金猊冷風搖銀燭熒
佳期逢七七瓜果賀雙星

聞笛

月照高樓夜遙聞玉笛
吹梅花愁落盡無處寫相思

咏燕

秋去春來來去忙
千言萬語似商量
杏花深處雙棲好

掛芳集 卷之四
誰識將雛意思長

魯湘芝

字慕班浙江會稽縣人適劉孝廉以垂

汪氏雙節詩

君子有老親負米非得已出門復入門丁寧鞠穉子
去去君莫顧君心妾心知賴有一心妾門戶當共持
炎州飛旄還黃泉誓相見言念離別時宿諾敢勿踐
爾典耀首飾我鬻蓋篋衣責券一一折不驚堂上慈
朝織夜緝纒淚枯力孔盡護茲掌中珠芟彼階下棘
幽蘭結同心雙花吐空谷清風一吹噓千載有餘馥

畢慧

字智珠江蘇鎮洋縣人大中丞畢沅之女也許
字楓岷陳光祿子

憶梅和韻

記得孤山竹外陰橫斜水畔徑深深南枝夢斷空明月
東閣詩成見素心臘雪乍添新艷采春風仍到故園林
冷香得句愁難和合付金徽托遠音

青門柳枝詞

風際游絲澹蕩春畫橋低亞柳條新流鶯百轉清陰裏
喚起芳郊拾翠人

晴波倒映漾柔藍最好風光三月三羌管一聲紫別恨
漫教吹徹望江南
不同桃李駐顏難一色長條春未殘簾外子規啼不住
紛紛紅雨凭欄看
榆莢爭春春暗歸綠陰滿逕染苔衣嫩烟酥雨年年事
莫趁東風作雪飛

戴素蟾

字柔齋別號魏塘內史浙江秀水縣人也適同
邑某

胥山八景

老幹經霜玉蕊勻閒園數畝淨纖塵林間殘雪初消盡
已有流鶯報早春

梅園鶯轉

寒夜敲鐘動曉星上方清韻落烟汀幾人塵夢能驚破
只恐朝朝夢裡聽

德院晨鐘

怒捲江濤雪作堆漁燈點點傍溪隈蘆中窮士知多少
却有何人物色來

胥江漁泊

山骨嶙峋撥草搜平岡永鎮已千秋莓苔綠遍精芒冷
猶憶虹光貫斗牛

苔封劍石

東巖樹色隱迷離樵牧歸來日暮時回首殘陽無限恨
半竿猶照伍胥祠

東巖夕照

揚子集 卷之四
霸業千年尚在耶滿山松栢翠交加軍容如火都消歇
剩得寒林一陣鴉 古木歸鴉

一葉飄然泛五湖采蓮歌罷已亡吳亂霞人語山塘路
好幅空江待渡圖 山塘晚渡

金蓮寶座傍空山鐘磬寥寥意獨閒一片吳宮舊時月
清光終古照禪關 蓮臺夜月

題觀梅遺照

姑射仙人縹渺姿生涯冷淡日題詩寒牕一樹梅花下
想見亭亭獨立時

臘後巡簷索笑頻東風又是一番新畫闌春色年年在
不見陽關送別人

冰雪聰明絕點埃香魂只合住瑤臺廿年一瞬梁家案
髣髴羅浮夢裡來

單光瑤

字玉芳湖南武陵縣人曹縣令單思宸之女七
齡卽能詩賦質秀敏操觚立成且好讀書非徒
以纖媚見長乾隆庚寅玉芳子歸其兄光暉爲
刊其詩卷置奩具中以贈行亦藝林閨秀中之
佳話也

昭君怨

此去玉關道君恩何日歸
愁心對漢月顧影空歔歔
紅顏變黃土環佩無光輝
乃知舊圖畫好醜未全非
天子重和親妾身誠細微
不惜妾身遠但傷君心違
安能生羽翼高逐秋鴻飛

賦得春鷗嬾避船

碧水含烟暖鷗閒嬾避舟
如何忘患害依槳泛波流
機息神偏靜江春物自幽
風帆看漸遠隨意宿芳洲

極目

地接黃河險城連秋色深
寒雅迴極浦斜日上高林
巷口牛羊亂人家烟火沉
涼風傳急響幾處動疎砧

賦得秋蟬鳴樹間

樹裡如聞奏管絃秋聲何處不堪憐
江天斷續漁村外塞草淒清野戍前
密抱枯枝吟冷露亂吹落葉下寒烟
昆蟲也解乘時令憑仗高柯雅韻傳

人影

默默溶溶共一身百年行止鎮相親
愁容淡掃全無力幻態輕描欲逼人
我自疎狂遭俗薄君忘形跡獨情真
燈前月下同來往歷盡浮囂不染塵

從軍行

烽火照邊秋寒雲起戍樓征袍何日至
長笛喚人愁

王芬

號蕙田江蘇婁縣人香溪之女諸生唐壽椿室
著有十燕巢閣遺稿二卷

自題小影

鮮雲蕩虛薄月上雙梧陰徘徊眷良夕秋淡聲可尋蕙
風入瑤軫寫以幽澗吟世乏女鍾期安能範黃金假爾
清影癯託我遙情深罷琴桐葉落碧露沾衣襟爾爾復
我我妙悟同無心

書趙文敏書巴陵女子韓希孟殉節詩帖後

嗚呼鏃騎蹴巴陵轟天飛礮江濤崩男兒解甲都惜死
能死翻憐一女子嚙血詩留白練裙忠憤之氣沈湘雲
日貫天昏託夢請大都承旨傳豪穎不特感人詞義炳
波磔秀勁藏精英玉食深宮謝道成簽名降表可憐生
題崑山閨秀徐若冰南樓吟稿

卓爾絲難繡胡然玉易埋鹿城春水外眇眇感子懷撲
硯溪雲活橫牕梅月佳論詩延二老豔事典金釵
林下擅風流閨襟鮮與儔有才偏促壽無字不關愁烟
嫋藥爐夕蟬吟翠鬢秋形神還彷彿搖筆倚南樓

木棉布

吉貝誇工織江鄉婦業多潔能欺雪練輕欲比雲羅絲

良蜘蛛細機鳴蟋蟀和千行經轉軸一縷緯縈梭腕底
飛雲合窗前急雨過不知落翦後市價短長何

晚晴

鶉鳩啼散一溪烟纔放春晴景便妍斷嶂截雲拖剩雨
垂虹銜石架遙天徑紅香印尋芳屐岸綠痕移把釣船
偏是倚闌吟未了月輪騰湧隔林圓

題竹道人畫

人語淡秋烟邨醪載畫船插江峯一角醉抹菊花天

秋蓮

月斜雲淡寫新涼碧沼秋蓮晚更芳欲折一枝看轉惜

爲伊心苦獨生香

周玉琴

字桐君浙江錢塘縣人穆門周徵君京長孫女
也適仁和大理寺典簿湯垣

有懷先墓感作

春祭思抑鬱徂冬憂更長不祀已終歲晝夜空傍皇坐
立若有失悵望吁可傷輪蹄紛東郭悲風起白楊有妹
聞卧疾有弟寄遠方弟掌綸游學江左此身滯京國遙奠酸衷
腸安得邯鄲枕引我置墓旁

夜寒

不信寒如此冰壺凍起稜打牕疑折竹瞬眼付挑燈酒
薄三蕉淺更嚴五漏乘負暄差可樂朝旭看東昇

雨雹

黑雲翻墨送春忙驀聽鏘鳴雜佩璫初挾震霆開草木
好從稷雪辨陰陽花飛裊裊偏餘骨豆剖盈盈尚有漿
正是農時催布穀膏流應比雨珠強

竹影

月引新梢上小窗一枝枝影漾清光何當滅去蘭膏燄
試看琅玕幾許長

津門食刀魚作

江鄉風景忽當前照眼波光欲接天日日留魚有溪女
白如切玉不論錢

張昭

字闇齋江蘇婁縣人適同邑葉啓升性賢孝質
明敏卒年僅二十四著有紅餘集

秋夜過女兒洗心齋卽賦

秋風吹我裾皓月招清賞相攜入小齋並座倚書幌景
物一何清夜氣一何爽晤對開愁顏殷勤慰勞想食我
鮮鱸魚酌我鬱金酒問我曾歸寧親闈近安否幼妹病
如何幾時同執手示我新著書積壘漸富有閱我雜吟

稿句法面傳受起行玉露階幽蘭正舒秀聆我同心言
信果如芳嗅

春晚分韻

日暮啓朱扉烟霞靄夕輝暖風吹緩帶香露濕羅衣雨
後春光淡花殘吟興微離居情落寞回首企庭闈

曉牕

柳色侵簾幙花光照硯池梳頭猶未了竹外鳥催詩

陳仰巖

湖南祁陽縣人前知嘉定縣事陳率祖磨厓山
人次女也隨父寄居鴻鶴山庄終年種竹養魚

科桑洗竹與兄弟輩論詩儷事閨門之內頗稱
風雅

閒庭卽事

環碧樓高接翠微池塘新水鯽魚肥停針院落松花午
掃却蛛絲護蝶衣

陳發祥

磨厓山人三女也善寫水墨花卉

題畫山水

出筆源於老米重重疊疊家山泊舟一帶茅屋明月隨
水灣環

題自寫梅花山茶

芳香暫假兔毫傳玉骨冰肌本自然既有茶花為侍女
不需天竹也清妍

程芬

浙江嘉善縣楓涇人

遊古沐堂

曲徑紆回到沐堂閒將心事禱空王還欣地僻無人過
粉壁聊留字一行
生長深閨未出遊而今始得豁雙眸任他簫鼓浴塘沸
愛看山光獨倚樓

尚書舊衲認依稀古寺危樓聳翠微最是晚鐘催客權

一天芳草帶斜暉

袁淑娟

字翠英號臨池小媛江蘇婁縣人袁吉人之女

也詩見錢學綸續虞初志

錢學綸袁淑娟傳略袁翠英名淑娟號臨池小媛浦南人袁本浦南世家名書古帙藏極富父字吉人名吉更老宿也以故淑娟幼工文墨同里梅氏子名仁美丰姿通詞翰善騎射好自脩飾衣馬麗都每操弓挾彈出入閭里人望之渺若神仙與袁為中表姻女少生一歲幼時憑蹇脩訂婚梅早孤梅母會以他故廢議其年娟已十五輕盈艷冶畫屏中人也家有園池一日紅藻正盛娟方憑闌支頤看文禽並宿梅以親故得入內潛至園躡足其後娟注視方濃猶不知

也遂以紅豆擲之回顧見生微笑曰何用相驚
 作此不韻事耶雙頰一暍為他阻明年夏六
 嗣後結念愈深屢欲一晤驟敘衷曲互及幼年
 月復遇於池上之北軒遂得敘衷曲互及幼年
 姻事不覺相與悽然因思去夏觀荷條已一載
 感時光之易逝悵佳景之難留生因吟曰曾記
 去年今日事綠牕紅豆打鴛鴦於是宛轉之間
 獲諧歡好生為賦定情詩云縵縵復縵縵縵身
 此寄留鴛幃春意滿繡被瑞香浮盟誓堅山海
 恩情貫斗牛各將枕上事默默記心頭始亦贈
 生詩帕香囊等物訂約終身焉既而生以博一
 弟子員赴金陵鄉試文戰不勝逗遛金陵越一
 年生南歸始以父命許字武陵而梅母亦為生
 別婚他族生家居無聊躍躍動長行之念有戚
 作宦嶺南治裝赴廣往辭娟娟牽衣而勵生亦
 甚悔而行色已莫可挽矣自此兩地相思生在
 嶺南二載及歸娟已
 歸夫家著有咏香集

獨坐

寂寞閒軒獨坐時低徊無語細尋思忽然想到情牽處
 無限愁腸祇自知

自恨

傷心懶整翠雲鬟幾度相思淚暗潛惟恨三生差訂約
 終朝無語嘆紅顏

寄梅生

自嘆紅顏更獨愁堪憐薄命幾含羞無緣箕箒操君側
 惟願來生賦好逑

送別詩

欲別君宜飲此杯問郎南去幾時回天涯到處生芳草

須記魁春雪裏梅

潘晚芳

江蘇吳江縣人太史潘耒女弟適諸生陳鉉

夢隨先母至平川故居

四十年前事已非朱甍華屋淚空揮夢中不意家園廢
猶傍慈親入舊闌

葉定

字帶華浙江秀水縣人適許生殿芳著有集無

力付梓

梁鴻緒孝貞二女小記葉定字帶華秀水香仲女也自幼聰慧長而能文為父鍾愛適許生殿

芳琴瑟和諧迺父緣事被謫山左榮城羈縻十載彼時予亦在山左目覩帶華時寄銀物已知為女中之克盡孝思者莫與倫比迨後香仲棄世隨卽遣婿遠奔扶櫬并迎取邁母歸家養生送死無忝子職香仲可謂無子而有子矣適予遊幕來禾慕義往訪得見其平日懷親各詩更覺篤摯出自性成爰索全集復見伊女甥徐源字方白者彼此倡酬積盈帙具悉守貞奇媛孝貞二女並萃一時且共一地良非偶然用是選錄成帙以俟採風者纂輯表揚垂之不朽云爾

自題小影

青氈兮縞裳椎髻兮微霜爾貌兮果粗陋爾坐兮還端

莊何對我兮不語令我覩兮迴腸莫是兮吾魂之離超

越兮慈雲之傍

寫袖倚桌桌上

敢比兮魍魎問影擬許

兮應真反揚夫至道之精兮昏昏默默達人之性兮了

了忘忘歎神舟兮有涯况紙偶兮豈長幸我夢兮未覺
今懸爾兮茅堂且薦之兮好羞更上之兮真香知他日
兮若敖必餒卽斯爲兮嗚呼尚饗

懷方白賦得以棠品梅恨不同時歌

霖鈴一夕扶桑曉粧點秋棠心悄悄庭陰質弱發枝低
難被青陽甘伍草却訝梅花香韻絕挺節稜稜殉冰雪
原來清極不知寒那怕剛風吹鐵骨君不見井上桃花
光暍暍日暖風和開笑靨鶯歌燕舞滿枝頭不惜紅芬
憑啄躒一朝青女司霜旻桃花葉落飄江津梅正結胎
棠正吐請君比較誰天真海棠稟賦非一轍凡姿自媿
虧昭質遼濶分明君與儂恨阻窮冬品難協君似離鸞
暮棲梧儂如獨雁朝飛孤素懷不作揚州思但願日坐
春風隅

與方白論詩偶占

海內騷壇事如何柵閣專祇因從我好不是被文牽且
與操斑管何曾棄紡塲古來言志者多半託詩傳

謝佛手柑

正色藏冰雪纖纖更儼然散花舒玉指鈎弋握檀拳謾
許拈絲竹能教指地天時移香不改輕却獸爐烟

蘆花鞋步韻

暖於柳絮軟於麻漫把遊山謝屐誇經緯有紋仍似浪
針工雖巧莫添花履霜堪譜陽春曲渡海何勞奉使槎
從此秋風飄不得祇借鳧鳥入雲霞

松毬

限魚字

翠蓋含蕤聳碧虛奇瑰百琲映香渠拋殘金粉懸鈴後
飼老仙蠶繡繭餘樵徑月留燈彩亂禪扉風落彈聲徐
夷峰遙望松雲合白石舟邊藻啖魚

柳帶

限真字

旖旎修蛾擬未真如條似佩更疑紳珠拋月露晴絲貫
翠刻風蘭雨線紉畫架迴波縈舞袖花溪拂水縛遊輪
堤邊無限容璣態曾媚章華約素人

竹粉

限侵字

湘篁籜解玉抽簪想象縷鉛帶淚泔抱節尚多巾幘事
干霄須耐雪霜侵露沾蝶翅黏芳膩月逗梅魂拂素陰
韻曼霓裳仙子曲一林女伴理瑤琴

榆錢

限尤字

園府通神滿樹流買春不駐伴春遊隨風戲擲萊蕪砌
着雨愁鋪介子邱帶草綠搖廉更甚薔薇紅笑冷相尤
園林自此添蕭索一片韶光變素秋

銀薇花和韻

仙卉疑從銀闕開何年流落絳塵來漫移上苑浮榮處
祇合唐昌觀裏栽

囊香籠玉逐風搖百日芳菲氣自豪耐久固宜君子友
休憎不著紫羅袍

柳絮因風滾作團是誰懸向翠林端玉堂夜半銀蟾起
還當花看當月看

汪桐音

字琴生國子監典簿汪端光之妹適甘泉文學
潘逢元

題吳靜嫻秋山讀書圖

展卷首唸慈母什傷心不覺淚潸然憶從膝下看佳製
彈指于今二十年

衡門近喜接芳隣况復兒曹筆研親何日好香傳一瓣
絳帷得拜老詩人

丹青何必羨荆關閨閣烟霞不等閑我亦有心借隱去
可能潑墨寫秋山

馮蕙

字雲莊浙江仁和縣人也

寶石山莊送簡齋夫子還山

六橋一望柳州烟拖花到茶蘼春奈何一自詩人湖上過

畫船無日不笙歌

人人爭說魯靈光
筆底長虹萬丈狂
將欲停車來問字
驪歌聲起隔天望

陸誦芬

字心香江蘇青浦縣人從父伯琨認爲繼女適
同邑諸生蔣士銘著有清閨集花韻閣詩稿

送夫子葵園之湖廣

瀟湘風景話清幽
撲被從今選勝游
寄語良人無別事
吟詩先上岳陽樓

春日

春林風暖試鶯梭
杏子梢紅蘸碧波
多少畫樓簾不捲
雨絲風片惱人多

杜鵑花放與素娟小叙各賦一律

渾疑血淚染成堆
爛漫臨軒記手栽
騷客乍愁芳信歇
仙人爲剪絳綃來
莫嫌入夜啼魂苦
恰好吟詩刻燭催
自笑難成風雅句
澆花也共倒香醅

七夕與外坐話

雙星隱現彩雲間
乞巧樓頭月一彎
烏鵲不辭終夕苦
青鸞應向此時還
銀河眇眇遲仙駕
玉露團團濕翠鬟
相對夜闌思往事
鐘聲沉寂漏聲閒

西湖竹枝詞

四時百景好芳辰愛到西湖結伴陵小有天園門外路
紅裙綠襖鬧遊人

遠近山光接水光芳菲百卉應時香踏青三月花神廟
無數濃粧與淡粧

喜晤閩友蕙卿

別後相思悵若何吳程楚驛綠楊多春風江上歸來好
一片雲帆萬頃波

題邵丈西樵照

讀書不求甚解摻縵豈日知音撫孤松而盤薄岩放鶴

之胸襟

蔣繡徵

字蕙芳江蘓華亭縣人適湖南常德府經歷陸
長庚所著有澣心處詩鈔

送兄金蘭之廣西

畫角聲殘酒半酣張鐙小市駕行驂堂前菽水毋多慮
客裏風霜苦未諳路轉東吳勞遠夢驛經西粵辨鄉談
清貧自信傳家慣不待臨岐話再三

咏海棠

燒鐙酣賞話年年一度東風一惘然繁豔重逢含露日

輕陰最記養花天劇憐分席三春晚易負開簾二月妍
猶有屏山題句在媽紅宜對折枝鮮

鐙花

獨對孤鐙坐綉幃閒看鐙燼有餘輝侍兒笑指銀缸問
明日遠人歸不歸

摘芳集卷之六十五目錄

才媛詩

古歙訥菴汪啟淑選

朱錦 八首

楊藍韞 七首

蘇蘭畹 八首

沈氏 二首

倪端淑 六首

倪貞淑 四首

方可 五首

林枝秀 一首

李心敬 八首

沈畹 二首

沈瑞玉 二首

姚中淑 四首

顧氏 一首

徐妙清 二首

閔慧媛 五首

吳瑛 七首

申玉環 一首

金氏 一首

汪纘祖 五首

吳筠 一首

舒淑娟 三首

方端容 一首

徐氏 句

徐月華 一首

許蘭似 二首

高氏句

李含章 七首

陳長生 六首

擷芳集卷之六十五

古歛初菴汪啟淑選

朱錦

字秀文號琴軒安徽無為州人適同里吳元桂
著有集

吳元桂清詩備采拙荆幼雖學詩律體懶於屬
對只能作短調小詞并絕句其往年所作自不
愜意悉焚去僅存數首竊附諸
女士之末未免貽笑大方也

庚戌小春喜蜀中書至并接詩六首

驚接函中數首詩沈吟無語轉如痴題詩者與看詩者
兩地遙情只自知

辛亥秋杪紫山自蜀到家

風吹落葉響庭階
忽訝人從天上來
山鵲故聽今早噪
燈花怪向昨宵開

哭冢媳

方經半月兩離分
姑媳相逢夢裏情
老病那知翻哭汝
眼枯無淚只吞聲

自汝于歸年十六
朝朝依傍未相離
於今四十纔加一
運限如何是死期

紫山七十初度口占侑觴

閨庭幽雅鬪春華
淑氣融融萃一家
歷盡冰霜度芳景

相知窗外有梅花

多愁多病兩相憐
瘦骨同支老更堅
憶讀微之悼亡句
停杯曾泣夜寒天

行役風塵十載多
歸來幸得養天和
膝前幾許牽衣者
好借含飴發嘯歌

裁成百句寫生平
健筆真堪橫古今
愧我不才詩律暗
效顰聊作口頭吟

楊藍韞

千古風號玉煙江蘇縣人

檀園修禊

上巳春光好十分蘭亭故事見遺文檀園此日重修禊
千古風流續右軍

柳陰深處淨無塵紅板橋橫碧水春聞道主人能愛客
一時吟詠盡詩人

舟過青溪一曲深定施裙幄坐園林倘逢道輟歸寧日
把袂聯成柳絮吟

遊知止山莊

松花細細落飛檐九點青山半露尖聞說貓頭春筍好
爲叅玉版訪西巖

共道園亭壓辟疆晴巒巒巒繞迴廊小橋流水通花徑

花下扁舟泊柳莊

邈迤行來磴道紆曾將山色飽看無歌堂舞閣應迷路
花醉雕闌蝶共扶

隔簾仙樂妙聲便鳳管鸞簫聽孰先我欲買舟恣游賞
蘭橈蕩破半溪烟

蘇蘭畹

字初九號香巖浙江仁和縣人適同邑諸生倪

一擎著有閨吟集秀坤維正氣錄

杭州府志蘇蘭畹字初九號香巖諸生倪一擎
配少至孝嫺詩文設塾里中撰坤維正氣錄及
閨吟集秀

倪一擊蘇孺人傳略先室蘇氏各晚蘭國學近
 隅公仲女也性沉靜淑順不苟訾笑幼齡授內
 則女誠隨母氏綜理家政布指井井年十三封
 股愈母疾十八歸於余執先妣成太君喪克盡
 哀戚仰奉尊鍾肅而彌慎先考與余授徒里門
 一切米鹽零雜概不以恩衣敝食淡爨濯鉞組
 之事皆親為之設家塾經蒙修脯所入佐中饋
 之不逮焉嘗緝明以來烈婦奇蹟見於傳記者
 成坤維正氣錄十卷集古名媛詩著閨吟集秀
 六卷香嚴詩文二卷體素弱善病棲心內典因
 自號香嚴居士
 嚴居士
 閨吟集秀香嚴自序三代之興窈窕妃媛有蓋
 世文才擲管揮毫馳騁於法度之中為世所傳
 以與內教近代以來少習文章六藝之奧湮沒
 無聞發華絨而思飛嗟林下之風致不及遠矣
 茲者幸遇聖明尚慕往哲每獲一書嗟其出
 羣即日勤校悅目怡心當分明明記之耳積有歲
 時謬蒙深拾於是咏萱草之喻用寄幽懷十年
 以上具知委曲獨念漢宮有水情係無違薦夢

漫興

尚遙思心成結願道家之秘言察天下之珍妙
 固可觸憂釋疾目玩意移縱心所欲一一從其
 消息而用之羣華競芳筆如神助亦謂生有餘
 幸矣妾自省愚陋弄文舞字非婦人所便每為
 一字若不由規矩虛費精神因吐其胸中割所
 珍以相助纔記姓名兼亦載吾姓名相對展玩
 雖失高素皓然之業使知音者讀之其間有稍
 異常流當見其志我勞如何頗亦自適吾反覆
 念之家素貧儉室無雞黍之餐無香薰之飾每
 感篤念隨時而作誠知微細何得動而輒俱而
 面牆術學神假微機以達往意獲我心焉聞之
 前志觀者勿以婦人玩弄筆墨為誚焉則足矣

歲寒心事有誰知總向紅牋寫自隨花落碧苔閒白晝

楞伽靜展一題詩

萬氏薛濤姚氏

家住錢唐山水圖柴扉花嶼接江湖庭前亞樹張衣桁

午夢驚回落井梧 金麗卿 曹 楊太后

屏棄囂塵事簡編紅樓自信有清緣題殘紈扇光疑月

起捲珠簾看翠烟 朱淑貞 馬守貞 潘 氏

照人清夜欲如何愛寫黃庭不換鵝竹影書中猶有字

幽窗軋軋度寒梭 朱淑貞 陳德懿 蔣 桃

遊仙

晚霞初壘赤城宮駕鶴驂鸞意已同莫道穹天無路到

輕雲嶺上乍搖風 薛 濤 葛氏女 楊貴妃

淨掃瑤臺揖上仙飄風散蕊媚晴天忽聞青鳥傳消息

迴矚霜原玉作田 許景樊 薛 濤 上官婉兒

天香晴拂碧階泉夢繞銀河槎上眠羞解明璫尋漢渚

同躋靈嶽訪真仙 許景樊 馬守貞 龍城貴主 順聖太后

翡翠為裙芍藥裾日中吹笛宴麻姑飛瓊姓氏垂丹籙

肯教霓裳一曲無 陸 卿子 許景樊 徐 媛 羅愛愛

沈 氏

字梅林江蘇吳江縣人上舍沈澍之女性嗜梅

花適杏林錢楷章一夕各賦梅花詩三十餘首

一時傳為佳話著有學吟稿

春雨

蝶懶暫停飛鶯藏咽不語濛濛烟靄深寒食梨花雨

九日懷歸

佳節懷歸黯自傷
茱萸插鬢又新妝
昔年姊妹登高處
贏得慈親淚幾行

倪端淑

字幼端浙江仁和縣人
倪一擊之長女適石門
吳某性孝懷母成疾天歿

觀家信有感

一紙家書到開緘
涕淚零慈親纔早逝
弱妹更伶仃誰
與歌棠鄂空懷賦
鵲鴿不堪淒切處
搔首步中庭
看荷有懷

風吹菡萏水生紋
對景關情日易曛
麴院乍飄千點雨
野塘低映一池雲
艷疑紅粉凌波立
靜愛清香滿室聞
安得故園兄妹共
擘牋酬唱到宵分

寒食語溪道中

輕橈容與出沙灣
人在溪山罨畫間
回首臯亭斜照外
餘霞染得綠陰斑

水複林紆景若何
漲痕吹綠皺輕羅
蒲帆好趁塘樓去
又聽烟中市語多

一篙漁蕩浪泠泠
斷續鶻簫遞晚汀
百五春光看又老
原田芳草恨長生

高低雉堞水雲遮
詰旦遙歸季子家
更喜板橋門外路
好風吹動白荷花

倪貞淑

小野林字幼貞一孳之季女也適同邑范氏亦早歿

清溪漲

泠泠清淺水漾漾金碧流
朝來三尺雨忽作波上秋
遠烟共迷漫野色交沈浮
梅信任鬱蒸吾將棹扁舟

安賢跋父親大人新輯烟草小志後

老人緝柳與編蒲日注蟲魚與不孤
欲補神農經未載
擘賤先志淡芭菰

縷縷春絲細細乾
荷筒漫試破驕寒
平生不學餐霞術
亦把奇書盡日看

陪小迂家兄

印元

幼文二姊

文淑

分賦秋蟲得絡

緯

冰絲夏柱響同清
斷續頻教懶婦驚
最是晚涼風乍急
豆花棚底一聲聲

方可

字青君著有白沙翠竹集
茨田沈大成爲之序

松徑

長松一逕交幽陰
互挈攬靜聽松風吹
響疑松子落人

跡且不到炎氣何處著

四月八日清齋禮佛

晨興肅盥漱象設空齋陳夙聞調御氏降生及茲辰寂滅向千劫皈依尙如新香燈增晝靜蔬果具時珍匪獨資願力固已忘根塵新篁映風牖微雨過池蘋永日但趺坐結此清淨因

題文待詔手書詩冊

先生工清吟篇章留匪一卽此手跡遺直追唐宋律詩稱後代師人亦蓋代傑觀其辭寧聘凜凜義不失行同魯連清心等伯夷潔歸田翰墨娛幽懷何超絕煮茗更焚香咳唾霏玉屑當時景高踪此日諷吟筆山齋共展觀使我神發越風流溯未遙悠然仰前哲

老柳

年深復蝨損偃卧此沙汀條短曾工舞綿稀亦化萍隄邊桃灼灼江上草青青憔悴休相咲終能應列星

瑟居

懶慢心情稱瑟居日高鶯囀夢回初起來盥漱無餘事閒對梅花讀道書

林枝秀

字松石浙江平湖縣人陸垣配

春日懷蘭姊兼憶湖中風景

去年曾記共登樓一望平原景色幽
萬里雲山銜日月幾番風雨送春秋
新鶯啄翠垂條轉古塔凌空倒影流
分袂那堪經此地夢魂渺渺共扁舟

李心敬

字一銘江蘇上海縣人梧州守宗袁女適常熟
歸觀察朝煦著有小窗雜詠

送外入都

別路三千里相思兩地心情同金石
固誼等海波深不盡徘徊意聊題送遠吟
常須托鴻雁時慰我佳音

寄外

申江樹色曉陰陰別恨離情兩不禁
好景每從愁裏過新詩多向夢中吟
裁成錦字傳千里漫托魚箋訴寸心
一望天涯渺無際思君空有淚沾衿

宮詞

選四

西宮花落日偏長御路青青柳半黃
獨按銀箏不成曲忽聞歌吹在昭陽

寶鴨香沉冷畫樓催花風雨未曾休
生憎梁上雙飛燕不捲珠簾上玉鉤

內侍傳宣候駕迴紫陽宮裏御筵開
後宮粉黛如雲列

未信恩深爲愛才

偷閒獨向御園遊
愛放桃花漾淺流
回首忽驚宮使到
心忙斜墜玉搔頭

雨後舟次昭平

雨餘隔岸草如煙
雲湧峯頭翠色添
何處溪橋隔流水
影隨花片入疎簾

秋夜

葉落閒堦蟋蟀鳴
輕風遙送晚鍾聲
露凝菡萏香中澀
月照梧桐疎處明
寂寂夜窗星斗曙
霏霏暮靄遠山晴
捲簾愛看秋旻迴
一道銀河分外清

沈畹

字振蘭浙江桐鄉縣人適吳雋著有餘香詩艸

獨上

獨上層樓強賦詩
晝長清影減腰支
草深舊綠羞殘黛
花放新紅憶故枝
愛極翻教分手易
思深偏訝得歸遲
莫愁何物人間有
拋却春光總未知

春閨怨

芳草萋萋望遠迷
斷腸晴色在樓西
子規也解憐幽獨
故向春風不住啼

沈瑞玉

字希光江蘇吳江縣人適上舍顧銘著有繡餘

吟稿

暮春詞

殘紅滿徑花狼藉淡淡春風正無力芳樹流鶯漸染黃
漫天飛絮初飄白美人愁坐嘆蹉跎望斷天涯芳草多
有恨欲言言不得纖纖素手彈雲和林塘烟暖晴明候
鳥語間關似相鬪誰道春光足解憂春光翻使雙眉皺
偶成
雲鬢鳳凰釵怕整此情此意無人省有誰常伴我愁吟
日照一簾花弄影

姚中淑

浙江仁和縣人桑水部焱甫孫媳庠生桑雲柯
之室也

題蘇香嚴夫人閨吟集秀

詞成璣壁繞雲烟

張引元

屏棄囂塵事簡編

朱淑真

草草池

塘初夢斷

朱淑真人哲弟早歿夫

中郎遺業有人傳

張引元

板橋頭是讀書堂

花蕊夫人

風靜簾虛月一牀

徐媛

中有縱橫

詞賦客

薛素素

紫簫聲徹晚天涼

朱靜菴

右漫興

雲氣如銀拂面來

葛亞兒

昔隨王母上蓬萊

鄭允端

麻姑賸

有烟霞骨

梁玉姬

手散曇花徧九垓

陳德懿

夢繞銀河槎上眠馬守真金絲聲揭翠微顛順聖太玉簫后徐氏

欲盡霓裳調葛亞兒靜掃瑤臺揖上仙許景樊右遊仙

顧氏

江蘇吳江縣人處士顧有孝之姊適蓬萊令沈

自南

夏日偶吟

千竿修竹繞幽溪清影蕭疎入戶低好是午餘殘夢後
綠陰深處有鶯啼

徐妙清

字雪軒浙江海鹽縣人學博徐二高之女適國

子生彭騫曾詩見彭孫貽茗齋百花詩內

新柳

輕輦含怨寫靈芸淡掃新蛾瘦一分紫笛嫩寒吹暮雨
紅亭小蝶舞春雲燕姬雙帶香初結蠶妾三眠草易熏
應是陌頭多惹恨畫眉夫婿故殷勤

鴨綠池塘草正齊碧雲剪剪暎長堤流漸破綠冰堪織
梅乳含酸眼欲迷拾翠玉人矜鬪草踏春倡女銜留題
風流才子章臺畔纔唱青青黛已低

閔慧媛

號韋樓江蘇縣人著有韋樓吟稿

閨秀蘇晚蘭葦樓吟稿序吾杭自和知老人
 興壇坵而閨閣之能詩者更迭噪起一時如
 園七子錢雲儀馮又令柴季嫺顧啟姬諸秀
 負間氣掇奇英與鬚眉出蓋林子處家清燕
 尤以亞清林氏為首出蓋林子處家清燕之
 鼓瑟酬倡有飲茗鬪藝之樂宜其寫景寄懷
 發聲籟無入而不自得也客歲冬初葦樓以
 兩大人來杭過我問業出官邸游覽諸作請
 數語余維序閣閣詩世動引三百篇為冠冕
 儕弱質何敢妄希風雅第葦樓以清淑之姿
 理簿書暇即拈弄筆翰而纏綿悱惻孝敬溫
 之意尤奕奕流露固非徒效絺章織句為也
 樓好學下問余不能測其所至今將行矣漁
 欵乃之時必有感邈迨之蘭言而以寫殷憂
 獨惜余抱疴焚研於盛獨有千古葦樓行矣
 袂遂使蕉園七子之盛轂之下首被化澤先
 七子之盛於今復見不亦遐邇同風後先濟美
 哉

靜夜集六朝人句

閨秀汪際會葦樓吟稿跋古人云婦人女子在
 德不在才蓋分輕重於其間若曰德為首才
 之而後世無才者往往藉口斯言以為藏拙
 地然非才誇製錦則其為德也途也故才與
 交相為用不可判然區別為兩途也故才與
 于歸以克家之敬端莊儉勤淑慎又最航書
 於相助克家之餘時復拈弄筆墨乃以光斗
 生薄宦燕南繁劇酬應刻無寧暑其家居日用
 細微以及文移東答皆賴葦樓一佐之暇時
 偶寫性情效三百篇之遺意僅得近體詩如
 首近因歸寧於浙與武林閨秀往來唱和者
 如干首余喜其德可相夫才龍吐藻勸其授梓
 葦樓以詩不滿百章恐以韞線之才出諸隅
 之口未足以問世余曰不然大海長江固呈綺
 麗片金碎玉實毓瑰奇將以付之剞劂氏並繫
 冊末

逸響迴秋氣張載虛堂生夜陰江淹詩書敦夙好陶潛山水有

清音左思勝迹今能選謝朓瑤庭路已深謝莊解眉還復斂沈約

何用慰吾心陸機

蠟燭凝花影梁元帝霜歌落塞鴻鮑照調梭輟寒夜梁武帝羅

帳咽秋風范雲高舉尋吾契陶潛孤芳豈自通沈約暢哉人外

賞王維歛性就幽蓬謝朓

烹雪試蒙山茶

雪水調金鼎蒙山試早春忍能高酒價為許供茶人沫

起魚鱗碎香流月魄新陸龜蒙茶甌詩圓似月清風生

習習長伴苦吟身

渠陽春夜鄉思

杳杳渠陽寄此身銅壺漏急聽更頻冰輪千里今同夜

花影天涯不隔春靜籟已能清俗慮閒愁偏易到離人

重城呶喔聞雞唱腸斷江鄉限海濱

秋雨

西風冷送菊花天金井飄桐旅夢牽多事吟秋蟲唧唧

暗和淒雨到燈前

吳瑛

字若華浙江平湖縣人少宰吳樹屏先生女也

適同邑屈恬波精通經史兼善帖括惜天不永

其年著有芳蓀書屋存稿

吳嗣爵芳蓀書屋存稿序略余元配徐淑人生
子一名瑛女一名瑛即若華也若華四歲失母
號痛狂呼哭無常聲朝夕惟祖母是依余時官
吏部辰入幕歸若華追隨遠膝歲壬戌余視學
楚北若華年八歲偕之任始就傅受經于余從
兄再襄讀書成誦善于求間嘗疑湯武非聖與
東坡之論暗合歲乙丑若華隨余任之閩浮長
江涉錢塘踰仙霞嶺歷波濤魚龍之險是時若
華年十一歲才思充發初學為詩文遍誦六經
而于左氏春秋文選諸書尤為精熟吟咏每一稿
陰移齋使若華年十有八矣酷嗜吟咏每一稿
成輒請正于余為人言笑不苟有貞靜之風事
祖母繼母以孝敬兄愛弟人無間言適平湖屈
生恬波閨門之內以敬以和成婚甫數月以疾
卒于揚州官署適余有役吳門其兄瑛為母營
葬歸武林若華歿之日俱不及見余聞之痛悼
不能自已爰檢其遺篋中所作詩文授梓以志
不忘且以志余之不忍云爾

芍藥殘

小粉場雜識平湖閨秀吳瑛字若華係樹屏臬
憲之女不特擅詞華兼制義適屈生恬波不數
月即卒尚有詞稿一卷亦清新可喜漫錄一闕
於後其詠鷓鴣調寄憶真如詞云齊飛錦翅啼
春戲烟津一曲幾多清怨喚離人湘水濶
荒祠冷弔黃昏翻羨縷金雙影綴紅裙

三月春光滿寂寞了花事畫樓啼鳩聲姚魏同掃地廣
陵婪尾春獨向春風醉綽約有溫香欲與左花比紅白

鬪新妝雨師生妒忌曉看醉西施啼痕亂粉膩寶髻泣

三千玉龍飛十二陳輔良芍藥詩玉龍十二怨春去難

留悔託春光媚今朝存半面轉眼悲全墜不須怨春歸

濃華易憔悴濃華罷眾芳憔悴復何異不如溪上草春

去依然翠

芳蓀書屋

官舍營新屋芳蓀雅稱名
窻前香暗度簾外佩無聲
粉壁揮毫滿牙籤題字清
金爐烟靄細石硯墨花新
漏水銅壺響侵階碧草生
迎眸殘月照入耳曉禽鳴
幽靜疑山谷囂喧近市城
詩書吾宿好終日倚軒楹

新磨鏡

寶鏡朦朧減舊清一朝磨洗倍光晶
雲開夜月秋毫見雨過菱花色相明
閱世興亡疑有眼辨人好醜總無聲
玉臺妝罷時時拂莫使浮塵又暗生

卽事

焚香張素琴盡日金閨內旋旋積雪殘
鳥啄苔痕碎

秋夜

閒對幽蘭遣素懷流螢飛上鳳凰釵
沉沉深院更初永坐聽蟲鳴滿玉階

留別淮陰道署

三載依依玉鏡前舊梳妝處最相憐
不知今後紅窻裏又是何人點翠鈿

秋風

滿耳蕭騷夢不成殘雲掠月夜淒清
等閒吹落長林葉

揚芳集 卷之五
亂入千家搗練聲

申玉環

天長湖南祁陽縣人

三憶梅

綠萼曾經手自栽
廡東應有數枝開
沉沉院宇月華冷
香細忽從風裏來

金氏

江蘇吳江縣人適諸生周杭著有繡餘詩集

遙夜不寐眷懷慈親

兒病母扶持病安別母來所隔惟一水
杳如在天涯
悠悠我心愁愁向西南隈
惱殺牕外風故把庭葉吹吹醒
不吹夢燈影空照幃
豈獨兒念母母豈不憶兒
遙知枕函畔搔首長嗟咨

汪纘祖

字嗣徽浙江仁和縣人家芎坡方伯之女也家

承芷齋庭訓既適同邑湯秀才燧閨中切磋學

益日進著有侍萱吟

風雨過廣信和夫子韻

行盡家鄉路西江第一程
酒旗風影亂蘭漿
雨絲輕城郭寒烟遶沙鷗
掠水迎湘南何處是
旅夢喜還清

停美秋風

幾日秋風發刁騷律應商草間驅積暑葉底送新涼張翰思歸切班姬惹恨長庭中雙桂樹應候散天香

晴江亭次韻

晴江亭在湖南衡州府

江亭小築枕清流乘興閒登景物幽斜日片雲依遠岫長天秋水送行舟千枝衰柳寒鴉集幾處炊烟斷岸浮倚著欄杆無限思澄鮮爽氣望中收

秋夜玩月

皎潔秋中月清光滿鏡奩夜涼憑檻坐竹影上踈簾

久雨

連朝風雨正瀟瀟靜坐閒窗嘆寂寥濃綠乍舒迷望眼出牆新透一林蕉

吳筠

浙江錢唐縣人候補縣丞吳熙祿之女

步澹亭大弟遊虎阜韻

為尋名勝出城西金埒偏宜簇馬蹄七里山塘春事早一湖烟水夕陽低古來遺趾留題徧囊裡新詩倩僕攜何事鐘聲催客去茂林深處路幾迷

舒淑娟

字佩芳浙江仁和縣人金壇縣丞舒偶王次女

適同邑潘明府本智

荷亭避暑

日午拋書卷閒亭俯碧波樹高蟬噪急風定雁聲和暑
掃千竿竹涼生半浦荷捲簾憑檻立脉脉採菱歌

春日晚起

玉漏殘時曉氣升碧天疑雨乍疑晴桃含宿霧將成笑
柳帶輕烟最有情風舞落花飛片片鳥鳴遠樹一聲聲
莫將朝景凭閒過好把新詩仔細評

咏紫牡丹

芳菲輝映紫羅裳傾國名花綴錦堂和露倍迎朝日麗

羨他風韻勝姚黃

一枝分得魏家春富貴由來耀紫辰似此洛陽風景好

聯吟應倩玉樓人

方端容

詩見谷音傳響

次韻題明妃圖

宮禁幽拘百感稠玉階金屋各悲秋鴟絃彈出關山月
勝聽笙歌別殿頭

徐氏

江蘇武進縣人徐書受女弟也

揚芳集 卷之五

念深他日淚只望尺書頻別

徐月華

字彩雲浙江嘉興縣人

采菱歌次韻

鮮葉叢苞香正浮小舟采盡滿湖秋羅裙却趁菱花水
待賣菱錢取染頭

許蘭似

江蘇縣人錢唐盧抱經太史長媳庠生盧
省齋慶貽之配

題蘇香嚴夫子閨吟集秀迴文

眉掃春山遠世趨賞心興慣擷詩腴知誰累日長吟苦
窺得幾微探領珠右漫興

烟霞長護彩霓旌錦字新裁要主盟絃管和餘聲細細
仙羣重見許飛瓊右游仙

高氏

浙江湖州府人

句

也知春色歸人早隣女釵邊有杏花

隨園詩話閨秀李金娥詠路上柳云折取一枝城裏去教人知道已春深湖州高氏小女亦有一聯

云云

李含章

字蘭貞雲南晉寧州人兵部侍郎李因培女湖南布政使葉佩蓀之繼室也著有繫香詩草

秋夜露坐

火雲秋未收商氣夕乃至涼飈動木末梧葉蕭蕭墜廣庭延佇久月影半在地銀河淡無波疎林皎初霽軒南最幽曠竹露灑寒翠清陰下藤蘿餘香冷荷芰披襟愛晚涼枯坐竟忘睡夜久鐘漏沉流螢在衣袂

黃陵廟懷古

君不見湘山高高湘水碧淚痕染徧琅玕色雪浪朝連青草浮愁雲暮向蒼梧合當年帝女下璇宮瀉汨曾聞禮秩隆已傍松雲開貳室旋看日月麗重瞳鼓琴衣袵天家樂星軒雙曜明珠幄阿閣都緮素女絃鈞天盡按皇媵由一從刻玉下南天翠輦金輿不復還漫比蟲沙沉漢水還同弓劍慟橋山橋山一去成千古九疑天遠留靈瑣玉軼難乘懸圃風明璫空望涔陽浦涔陽江浦總魂銷更駕飛龍逐晚潮帝子揚靈江上瑟夫君愁思洞庭簫瑟希簫歇人何在里俗傳芭猶不改貝闕珠宮事渺茫蘭橈桂柂空烟靄千秋哀怨起騷人懷古同傷

遠別情薜荔秋風山鬼泣鷓鴣暮雨客船聽
搗來倚棹尋遺躅古木蕭蕭塔蘚綠廟火青
熒鹿角磯寒潮嗚咽巴陵郭屈賦成時書未
焚書生臆論總紛紜願將北渚江頭水一灑
高唐峽裏雲

萬固寺

山寺不知路忽聞流水聲溪隨巖石轉塔與
碧雲平古木上無際幽禽時一鳴松根堪小
憩試汲石泉清

署樓秋望

洞庭聞木落古意入疎襟竹漬英皇淚江流
屈賈心離憂無嗣響解慍有餘音試聽迎神
曲村閭樂事深

秦始皇

金虎宮憐事可憐漫疑鶉首賜鈞天終令六
國還三戶空使諸生笑九泉車載輶涼山有
鬼舟行縹緲海無仙傷心萬里長城在依舊
扶蘇伏劍年

陝州道中

車鈴響入暮烟中去路蒼茫接遠空官樹陰
迷鴻雁月長河怒捲鯉魚風亂山積雪千層
白古塔燒燈六面紅異地不堪愁思積千家
砧杵正囟囟

夏晝

午樓風暖試輕紗語燕聲中日未斜滿地綠
陰簾不捲

游絲飛上蜀葵花

陳長生

字娣笙號秋穀浙江錢唐縣人陳太僕兆崙孫
女適內閣中書葉紹桂著有繪聲閣初稿

秋江晚行

落日下江濤暝色在高樹漁燈生遠岸歷亂不知處微
聞柔櫓聲又繞蘆洲去

花朝曲

去歲花朝花已落十丈殘紅飄綉幕今歲花朝花未開
春風不到蛾原來蛾原已作經年住欲覓春花無覓處

空餘芳草綠萋萋愁說王孫從此去王孫欲歸歸得無
孤燈深夜聽啼鳥此時却憶故園柳綠到門前第幾株
遙知柳綠無人折都爲年年不知別今朝洒洒酌花神
定祝春花堆似雪春花似雪不歸家却看他鄉雪作花
莫怪花神無賴甚不移春色到天涯

觀音門舟夜

落日金陵渡輕帆此暫停水流三楚碧烟鎖六朝青漁
火殊明滅滄波入杳冥夜長人未寐蓬底漏疎星

春園偶賦

賣錫聲裏日初長春滿閨庭花事忙樓外軟風鶯夢暖

籬邊疎雨蝶衣涼
碧桃重似垂頭睡
紅藥殘如半面粧
看盡韶光應不倦
題詩長倚小迴廊

黃陵廟

蒼涼古寺俯明湖
芷屋椒堂事有無
未辨芳魂來澧浦
空傳清淚洒蒼梧
花深紺殿飛蝴蝶
月冷青山叫鷓鴣
莫向汀洲尋翠珮
湘南到處長蘼蕪

長干曲

儂住長干里
離愁動隔年生
憎門外柳不繫
九江船

